

Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4172/A






Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4172/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4172/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4172/A

IANI VITALIS PANORMITANI, IN

PSALMVM MISERERE

mei Deus secundū magnam
misericordiam tuam.

Meditationes.

Eiusdem Epithalamium Christi, & Ecclesiæ,
Eiusdem Paraphrases in Psalmos De profun-
dis clamaui, & Deus Misereatur nostri.

VIRTUTE



Desidia, Inuidia, Ira, Venus, Fumi, ardor habendi,
Et Gula, sunt Lerne cuiuslibet Hydra suæ,
Sterne hanc, Virtutis claua; Torre ignibus, Hydram.
Amphithryoniades sic tibi uerus eris.

IANVS VITALIS HIER. SAVLIO
Archiepif. Genuenfi, Bononiæq; Prolegato
Amplifs. S. P. D.



QVOD tuus sim Pater amplif-
sime nescio quibus officijs testa-
ri possim, nisi ut tributum tibi
mearum rerum soluam, tuus ego
quidem sum, & propterea, quæ-
cunq; ex me sunt tibi debentur,
Accipe itaq; has meas paucarum noctium uigilias
et has lachrymas quas anima mea, coram suo crea-
tore effundit, Non enim semper cum musis loquen-
dum, dandum est aliquando aliquid & solutæ ora-
tioni, qua spiritus humilitate Deus delectatur, re-
pat aliquando humi Mens, & alta declinet, non
ambiat uerborum, & sententiæ magnificos ap-
paratus, aliud enim est Deum querere, aliud uero
Mundi gloriam, qui Deum querit, exilis sermonis
tenuitatem amplectitur, ut quemadmodum spiritus
alta despicit, ita etiam scriptis extenuatur, Nam si
omnes ferè p̃ij scriptores hunc dicendi modum data
opera ambierunt, cur nos ab illo aborreamus? At
alios multos dices in hoc stadio multa cum laude
desudasse, Non'ne omnes idem spiritus mouit? Mul-
tiplices sunt Spiritus Sancti uocationes, nam hos
alio, alios uerò alio modo uocat, & occultos ape-
rit sacre pagine nucleos. Ego uerò si ab eodẽ Spi-

ritu uocatus ad hoc sim nescio, scio certe ex animi
feruore hæc omnia processisse, Quod si idem spiri-
tus non fabricauit in me Aurum, et Argentum, aut
Gemmas, at certe non omnino aliquid inutile fa-
bricauit, quod ita ut apud te natum est, utinam di-
gnum sit ut à te uideatur, Quod si tuæ dignitati, et
opinionì non respōdebit non succensendū erit mihi,
qui quæ mea sunt, tibi dederim, sed potius dolēdum
quod de tam sterili agro tibi tributum contigerit.
Vale. Bononiæ V 11. Kalen. Septemb. M. D. LII.

IN PSALMVM MISERERE MEI
Deus secundum magnam misericordiam tuam
Argumentum.



VM Davidis exercitus obside-
det Rabba Syria ciuitatem Am-
monitarū duce Ioab Saruiæ filio,
apud quē etiam militabat Vrias
Bersabeæ elegantis formæ fœmi-
næ Vir, cumq; eam aliquando David lauātem se, ex
solario conspiceretur, uehementer illius amore in-
census, ad se mulierē ipsam accersit, quam postmo-
dum ex se grauidam, datis litteris ad Ioab ut Vriā
in acie ita disponderet ut maximum periculum uitæ
adiret, eo deinde ita interfecto, in uxorem accepit,
quo factō ita in se diuinam cōcitauit iram, ut Deus
eum per Natham prophetā admonuerit grauium
ærumnarum, in quas propterea incursurus esset q̃
bus acceptis bonus Rex in hūc cū lachrymis psal-
mum, eius penitentiæ indicem, et magno cum mæ-
rore irrupit, quo iram Dei placauit.

Ad Lectorem.

A Equisime lector hoc te admonitum uelim in
huius Psalmi interpretatione per modum me-
ditationis introduci semper loquentem Dauidem,
Omnia dicta esse in p̃sona ipsius Dauidis. Vale.

IANI VITALIS PANORMITANI

In Psalmum Miserere mei Deus secundum magnam misericordiam tuam
qui est. L. Meditationes.

92 *Miserere mei Deus secundum magnam misericordiam tuam.*
92



Go Domine qui transgressus sum mandata tua, ecce nunc per penitentiam ad te confugio, quem flagitia mea offenderunt, ecce ego met accuso me, præterquod, tanquã speculum impudentiæ meæ, est semper contra me peccatum meum, iudex iniquitatis meæ, quod altera manu mihi panem ostendit, altera vero lapidem in me iacit, quod partim mihi blanditur, partim me in præceps Barathri, & in voraginẽ infernã rapit, peccatũ inquã me, in quod incidi, non imprudens, non coactus ab aliquo, non alienus à me, verum sciens volensq; præuaricatus sum tibi, quem nunc medicum, quem deum miserationum inuoco, Tu igitur, qui solus sanas ægritudines male habetium, Miserere mei, mei dico, Animę meę, nã cum ego sim instrumētum inicitatũ, caro mea ministra est nequitiarum mearum.

A 3

ru, Anima ipsa est quæ peccauit, anima est
quæ concepit, quæ peperit, quæ aluit mihi
perditionem meam, quæ propterea turbata
est valde, & de scelerum peregrinatione ad se
reuerfa clamat ad te, Miserere mei Deus,
Deus es, pater es, cuius proprium est misere-
ri semper, & parcere, deus creas, deus parcis,
pater creas, nō ne pater parces? eris ergo pro-
pter solā iniquitatem meam alienus à pro-
pria misericordia tua? à potentia tua? quæ
fundata est in misericordia tua, quæ tanto
maior est, quanto enormiora sunt facinora,
& delicta iniquorum quibus indulges, &
quoniam ego indigeo misericordia tua, con-
cede mihi vt sim dignus eadem misericor-
dia tua, accipe igit me Domine Deus meus
in magnum pelagus misericordiæ tuæ, fui &
ego aliquando misericors, fui clemēs in Sau-
lem, cum ille quæreret perdere animam meā,
& quia putauī esse Christū tuum, seruauī eū,
non ne eris tu mihi clemens? cum sim ego
non dico Christus tuus, absit enim à me om-
nis inanis gloria, sed dicam seruus tuus, tu er-
go vinci beneficio patieris a seruo tuo Do-
mine? aut misericordia tua delebitur à iusti-
tia tua? Si misericors es, si clemens es, non ne
& iustus eris? quinimmo in iustitia tua mi-
serere mei. aspice me deus meus, ne discesse

ris à me, ab intrinseco homine meo, ab ani-
 ma mea, quæ spiritu bonæ voluntatis suæ
 pugnat aduersus carnem meam, excludit ma-
 las cogitationes meas, & imbre lachrymarū
 mearum diluit sordes meas, vt Spiritus San-
 ctus tuus habeat vbi in me habitet, abscessit
 spiritus iræ, succedat spiritus gratiæ, cessit ne-
 gitiā mea, succedat bonitas tua, visita igit me,
 castiga me, & misereberis mei, castiga inquā
 me, ne in hoc peccati contubernio indignus
 fiam Misericordia tua, castiga me secundum
 magnam misericordiam tuam & non secun-
 dum magnam seueritatem tuam, qua casti-
 gasti Core, Dathan, & Abiron, qua castigasti
 Idololatrias israelitas, sed corrige me Dñe,
 quemadmodum correxisti eosdē israelitas
 insolentes, cum dura seruitute Aegyptiorū
 premerentur, ut scilicet discerent quantum
 præstat seruire deo, quā hominibus, Mun-
 da me Deus misericordia tua, quia labe pec-
 catorum meorum contabui, saluum me fac
 qui & salus es, & misericordia de te oritur,
 sint tibi Domine meæ lachrymæ loco Holo-
 causti. Ecce profero chirographum, quod
 mihi in signum misericordiæ tuę dedisti, quo
 profiteris te nolle mortem peccatoris, sed cū
 tu sis omnium vita, acquiescis vt conuerta-
 tur, & viuatur, Redde igitur me vitæ meæ,

Immo vitæ tuæ, quia mortuus sum in con-
spectu tuo, qui es Vita Vitalis, peccatum
meum iugulauit me, Da igitur mihi Domi-
ne intellectum tuum, hoc est intellectum ui-
uum, & viuā, & narrabo magna opera tua.

92 Et secundum multitudinem miserationum tuarum
92 dele iniquitatem meam.

Domine hæc sūt magna opera tua, vt de inia-
quo iustum facias, de peccatore gratioſum,
de Tarthari incendijs addicto, regni cælestis
quæſitorem, de ſpiritu deniq; maligno, An-
gelum tuum. Hæc ſunt proſecto magna ope-
ra tua, quapropter conſiſus ego tuæ conſtā-
tiſſimæ clementiæ, & ſciens q̄ non uocas iu-
ſtos, vt iuſtificentur, ſed peccatores, vt in eis
opera tua glorificentur, non expecto vt tu
voces me, ecce ego ſitiens ſalutem ad te fon-
tem viuum propero, quē tamen offendi, te
interpello, quem ad iram, & furorem prouo-
caui, Peccator ſum, iniquus ſum, non tamen
ſum impius, te agnoſco in Deum meum, a te
quæro medicinam langoris mei, & ſtuporis
mei, ſana tu me Domine, & ſecundum multi-
tudinem miſerationum tuarum dele iniqui-
tatem meam, Non enim vna miſericordia
eſt in te, ſed infinite miſericordiæ crepedines

5
qui scilicet, non semel, non ter, non quater,
non septies, sed semper, sed infinite' culpam
suam remittis peccatori, dummodo conuer-
tatur in spiritu tuo, Miserere igitur mei pec-
catoris non leui illa misericordia, qua in di-
luendis leuibus culpis in te delinquentium
vteris, verum enim uero magna, immo ma-
xima Misericordia tua, qua perditos, & mor-
ti addictos flagitiosos homines in viam tua
reuocas, & vitæ lumine illuminas, quos se-
ptem lethalibus vulneribus sauciatos, septē
anthidotis Spiritus sancti tui sanas, nō enim
meum delictum vna simplici misericordia in-
diget, sed multiplici, sed infinita, Misericors
es tu, Misericors filius tuus, Misericors Spi-
ritus sanctus tuus, si unus es deus, & tot sunt
in te misericordiæ, erunt ne igitur illæ fru-
stra? Vtere obsecro his misericordijs ad sa-
nandum me, & multiplices imbecillitates
meas sana, vt ego in æternum cantem has
tuas misericordias. Dele itaq; Domine mi de
libro mortis iniquitates meas, quin potius
me, propter iniquitates meas, ne ludibrium
fiat anima mea inimicis meis. Dele oro te,
flagitia mea, ut habeat misericors Filius tuus
super quo vtatur vestris misericordijs, cum
Verbum tuum, uoluntas tua, Rex glorię, car-
nem hanc nostram accepturus imbecillitatē

nostram induet, Ecquæ nam maior gloria
est, quam seruum in libertatem asserere, quã
de iniquo iustum facere? quam Tartaro de-
bita trophæa, patri æterno dedicare? habes
itaq; in quo vicaris tot misericordijs, habes
anhelantem salutem animæ suæ, habes pæni-
tentia malleo attritum, habes agnoscentem
potentiam tuam, clementiamq; requirentē,
si igitur vocas peccatores ad te, quos mise-
ricordia iustifices, nonne iustificaueris me?
qui non expectaui ut vocarer alia vocatio-
ne, quã pœnitentiæ meæ, sed continuo ad
te propero, quemadmodum Ceruus ad fon-
tem aquarum, Non ne tu verax Domine,
& omnis homo mēdax? Verax es tu quia? in
Veritate filium tuum Veritatem genuisti, ad
iuua igitur me, mendacem, veritate tua, quẽ
admodum mendax ego sum ut tu sis verax,
ut sim in quo Veritatem tuam Veram facias,
Mendax ego sum, quia à te factus sum bonus
ad bonum, & tamē ex me malus euasi, & de-
clinaui ad malum, factus ad vitam, declinaui
ad mortem, factus ad gratiam, declinaui ad
iram, ac per hoc, ad peccatum. Quapropter
merito traditus sum desiderio in mundi cor-
dis, & mundi iniquitatibus, & ignominia
corruptæ carnis, atq; utinam Domine mi nō
adeo in conspectu tuo scateant flagia mea,

scelera mea, ut tradar in reprobum sensum,
 & pusillus hic splendor, qui in me viget Ve-
 ritatis tuæ, conuertatur in tenebras, spirant
 enim vndequaq; pestilentes Ventī, qui meā
 lucernam vix adhuc scintillantem extingue-
 re conentur, Præstat itaq; vt ponam eam pa-
 rumper sub modium, nō ut abscondam, sed
 ut certior de Misericordia tua, expectem do-
 nec Hyems trāleat, imber recedat, & ver ap-
 pareat amænum, quod suauī odore Vineā
 tuam, quæ est in me, repleat, & tunc ponam
 Domine lumen sanctum tuum super cande-
 labrum, ponam conscientiam meam in veri-
 tate tua defecatam, & mundam vt sit exem-
 plum, & appareat omnibus bonis, qui in do-
 mo tua sunt, vt videant opera mea facta bo-
 na per te, & glorificēt te qui misericordia tua
 me nouum hominem induere volueris, &
 exuere tenebras, & caliginem animæ meæ.

” *Amplius laua me ab iniquitate mea, & à peccato*
 ” *meo munda me.*

• Nunc igitur laua me amplius, nā leuiter ablu-
 endo non mundātur sordes, quæ in immen-
 sum creuerunt, cum indigeant maxima laua-
 tione, quapropter obsecro te laua me, laua
 animam meam sordidam, in mundam, cōtu-

macem, non semel, sed amplius, & iterum, at-
que iterū, quandoquidem in tua manu est iu-
stificatio mea, cū in mea fuerit perditio mea,
Et quoniam iniquus sum, adulter sum, homi-
cida sum indigeo potissimū triplici lauatio-
ne, laua me igitur tu Pater, laua me, tu fili, la-
ua me tu Spiritus sancte, laua me tu deus me-
us hac triplici lauatione hoc triplici flumine
tuæ Misericordiæ, quod erumpit ex eodem
fonte tuæ clementiæ, Laua me ab iniquitate
mea, qui lauaturus es genus humanū ab ini-
quitate sua, non solum flumine Misericordiæ
tuæ, verum etiam sanguine filij tui, sit hæc la-
uatio mea Domine, Typus illius magnæ, &
vniuersalis lauationis, in qua vniuersam car-
nem reparaturus es à peccato primi parētis,
ad nos, hereditaria execratione, & contagio-
ne deriuato. Laua me ab iniquitate mea, qui
per Spiritum sanctum tuum, Aquarum Re-
gem, omnia immunda lauas, omnia arida ir-
rigas, laua me, quem coinquinauerūt sordes
peccati, irriga me, in quo aruit gratia tua, qui
per Spiritum sanctum tuum animas per pec-
catum originis mortuas exuscitas, ac regene-
ras lauacro tuæ pietatis, qui pelago tuæ mise-
ricordiæ suffocas immensum pōdus peccati
nostri, qui aquis tuæ misericordiæ extinguis
ignes horrendi barathri inextinguibiles, qui

denique aquis tuæ misericordiæ abluis peccata in te sperantium, Et à peccato meo munda me, ego quidem sum coinquinatus, & maxima indigeo lauatione, & in tuæ Misericordiæ flumen mergi cupio, non solum, vt lauer à sordibus meis, verū etiam vt munder à peccato meo. Et quoniam nulla flumina, quamuis sint magna mundant sordes peccati, nisi ea quæ de te, erumpunt. Tu Deus qui es gratia, quam Spiritus Sanctus tuus in tibi confidentes partitur, munda me à peccato meo, quod adeo excecauit me, vt solem iustitiæ tuæ non valeam intueri, cum omnia mihi salutaria caligent, & fiam quasi pullus coruorum à dulci parentū pietate destitutus. Quomodo ergo solem iustitiæ iniustus intuebor? quomodo ego mortuus te Deum uiuū contemplantur? quomodo, si in me est cor inmundum, spiritus inmundus, cogitationes inmundæ, & desideria inmundā, te Deum videbo: qui non nisi mundis corde te uidendum pbes? Sed qm sordent tibi ea, q sunt in mūda & q sincera sunt amplecteris, en pero vt inmunditię meę te indulgēte, ac p hoc munda te, conuertantur in puram sinceritatem, & in sincerā puritatem, et ita pero vt lachrymarum mearum imbre iam incipiam lauare faciem vulnerum meorum, quod si tu oleo

miseriçordię tuę vngues papulas meas, eli-
phantidem meam, sanabis me, & mundabi-
tur peccatum meum, & fient lachrymę meę
salus mea, non quia lachrymę meę, licet ex
abrupto cordis, & ex intimis visceribus pro-
rumpant, vim habeant iustificandi me in con-
spectu tuo, a quo omnis iustificatio pcedit,
sed quoniam lachrymę, & penitentia pecca-
torum alliciunt clementiam tuam, cogunt
miseriçordiam tuam, auertunt seueritatem
tuam, iustificet igitur me domine mi nõ meę
lachrymę, quas iugiter fundo, sed tua miseri-
cordia, quam iugiter inuoco, sed tua gratia,
quam iugiter imploro.

” Quoniam iniquitatem meam ego cognosco, & pec-
” catum meum contra me est semper.

Et quid est Domine mi quod alias dixi Ma-
ne me astare tibi? Et nunc semper fugio a cõ-
spectu tuo? nempe quia occidit mihi mane il-
lud lucidum, & exorta est Nox tenebricosa,
quid est quod dixi in virtute tua lætari me
Regem? & nunc regalibus insignibus abie-
ctis, humi prostratus, cilicio, et sacco indutus
imploro miseriçordiam tuam? quin immo et
cinere, loco panis vtor, & lachrymę mihi in-
porum succedunt, quid est hoc? nisi quod vir-

tus tua, que stabat pro me, qua vrsus, & leo
 nem stravi, nunc aduersus me indignat: quid
 hoc est inquam, nisi quod cognosco iniqui-
 tatem meam: & tanto manifestius cognosco,
 quanto etiam scriptis meis testatus sum, te
 perditurum virum mendacem, & abomina-
 turum sanguine, & dolis gaudētem, Nempe
 iniquitatem meam ego cognosco, quoniam
 mendax factus sum tibi, cum heredo iniquo-
 rum semitis, reliqui vias tuas, reliqui æquita-
 tem, & bonitatem tuam, ad quam contēplan-
 dam, natus eram, Mendax ideo factus sum
 cum exui hominem, indui belluam, mendax
 factus sum, cū exui gratiam, indui iram, cum
 exui iustitiam, indui peccatum, Mendax deni-
 que factus sum, cum pollicitus sum tibi me
 intuiturum oculis meis tuam æquitatem, &
 tamen auertens oculos a te, amplexus sum
 meam iniquitatem, Ecce igitur quoniam ini-
 quitatem meam ego cognosco, non abscon-
 do, illam verum coram omnibus pono, om-
 nibus notam facio, vt cū tu indulseris mihi,
 cognoscant omnes quod Deus misericordia-
 rum es tu, cognosco itaq; iniquitatem meam
 maximam esse, & ideo maxima indigere mi-
 sericordia tua, & quia cognosco eam confi-
 teor eam, & confiteor tibi, qui non solū ver-
 ba prolata audis, Verum etiam cogitationes

cordis nostri examinans, & bonę mentis ius-
ta desideria exaudis, cognosco itaq; quā sit
feda, & purulenta iniquitas mea, & nihil est,
quod ego cognoscā eam, nisi & oēs cogno-
scant; vt eorū, qui me cognoscunt, cōscientie
intelligant quantum mihi tribuendum sit,
qui cum arbitrentur me esse vas electionis,
cognoscant me factum esse voraginem per-
ditionis, & petrā offendiculi, qua omnes iu-
sti offendantur. Ergo ego cognosco me qui
nihil sum, cognosco iniquitatem meam, quæ
in tenebris habitat, & non cognosco te do-
minum deum meum, à quo sum, qui lumen
habitas purissimum, non cognosco ego quæ
omnia celestia, terrestria, & iferna cognoscū-
venerantur, & tremunt, At cognosco quidē
& tanto magis ab intimis medullis doleo, an-
gor, & excrucior quāto oculatius cognosco
cuius aliquando templum fui, habitaculum
fui, eius inquam, qui me ad imaginem, et simi-
litudinem suam formauit, & constituit, qui
mihi populum suum dilectū regēdum trad-
didit, cui templi sui sancti edificationem com-
misit. Heu mihi domine, ille ille miserrimus
omnium mortalium ego sum, qui te male co-
gnosco, quia non cognosco, vt debeo, quo-
cum te agnoscere debeam agnosco iniquita-
tem meam, quæ me, vt non cognoscā te aue-
tit a te,

rit a' te, quæ mihi nubem præ oculis effundit
 ne hauriam auram luminis tui. At est aliud
 quod me grauius affligat, nam præter quod
 iniquitatem meā, ego cognosco, ego inquam
 ex me ad amussim per te cognosco, quæ sit
 moles peccati mei, quia me vrget, suffocat,
 euiscerat, & tamen præter id tormentū quod
 in me est, peccatum etiam meum contra me
 est semper, peccatum meum carnifex meus,
 qui exclamat aduersus me, coram maiestate
 tua, coram Rege vltionū, exclamat inquam
 vindictam, quia O rapacitatem insatiabilē, o
 singularem ingratitudinē, o teterrimam cru-
 delitatem, non solum vnicam ouem pastori
 mihi obsequētissimo abegi, verumetiam ip-
 sum pastorē violentissime trucidandum de-
 di, quia cū thorū alienū inuasissimē consci-
 entiam meam iusto sanguine crudelissimus
 fēdaui: Ideo peccatum meum vastitate molis
 suæ obuersatur mihi semper præ oculis,
 hinc enim video Bersabeam a me seductam,
 violatam, stupratam, illinc Vriam innocentis-
 simum, & fidelem, & tamen a me ignominia,
 adulterio, & violētia homicidij deformatū,
 horū ego in medio constitutus ab altera præ-
 ter honestatem, & integritatē coinquinatam
 virū suum dilectissimum efflagitor, ab altero
 vero eius honorē fidē, amantissimamq; vxorē

B

rem vna cum vita amissam petor. Tu iudex
iustus supra me sedes, gladiumq; tuæ iustitiæ
vibras, quid respondeā illis non video, quid
reddam non habeo, solum habeo peccatum
meum, quod est in me, & id quidem adeo est
in me, ut semper obuersetur mihi præ oculis,
quapropter quid respondeam non habeo,
quod reddam non video. En respondent
tibi pro me Domine lachrymæ meæ, & cau-
sam meam ipsę supplices coram te agunt, ille
quidem coram te, non ego coram te, quia co-
ram me est peccatum meū semper, ideo non
sum ego coram te, sed ea quæ est coram te est
imago meæ iniquitatis, ego vero in tenebris
delito, & licet non sim coram te, tamen excla-
mo ad te Miserere mei deus secundum ma-
gnam misericordiam tuam, quoniam iniqui-
tatem meā, ego cognosco, & peccatū meum
cōtra me est semper, scio quod iusto iudicio
accusor, & iudicor, nō tamē me defendo, sed
lachrymę meę sunt defensores mei ab arieti-
bus iræ tuæ, quos admouisti mihi, fateor me
peccasse, fateor magnā calamitatem in quam
incidi, quia magna fuit nequitia mea, qua-
propter suppliciter imploro magnam mise-
ricordiam tuam, fateor ego quidem nequam
sum iniquus sum, iniustus sum, sed quando-
aliter iustificari non valeam sit mihi saltem.

loco iustificationis meæ, quod fateor me deliquisse, & cecidisse a gratia tua, erige tu me iacentem, solare penitentem, accipe ad te venientem, quia peccatum meum cōtra me est semper, Ecce ego relinquo me, & confugio ad te, in me enim nihil mei est, totus sum in te. Nam in me est peccatum meum, crux mea flagellum meū, mors animæ meæ, quod cum sit in me, & coram me, tamen me semper accusat in omnibus meis actionibus, & cōscientiæ meæ imbecillitatem sentibus pungit iniquitatis, ac prę oculis obñcit mihi præuaricationem meam, fraudē meā, offensionē meam.

- ” *Tibi soli peccaui, & malum coram te feci, ut iustificeris in sermonibus tuis, & uincas cū iudicaris.*

Quæ omnia cum sint in me ideo peccaui tibi soli ego ingratissima creatura peccaui gratissimo creatori meo, ego nouus Adam transgressus sum mādata tua, peccaui itaq; tibi patri omnipotenti, peccatum grauisimum admisi in te in maiestatem tuam, cum vxorem alienam violauerim, quaquidē in re grauius delinquisse mihi videor, quam ipse Adam, nam quod Adam præceptum tuum non seruauit excusationem aliquam habuit, hortatricem habuit vxorem, præuaricatorem ha-

B 2

buit serpentem seductus est, inebriatus est fe-
mineis blandimentis irretitus est, non potuit
uxori suæ a te sibi in comitem viæ, ac vitæ
sociam datæ ex sua ipsius carne formate non
acquiescere, non morem gerere, non assenti-
ri. At ego infelicissimus peccator castissimā
mulierem viro abstuli, virum substuli, me in
perditionem dedi, & cum essem Spiritus san-
cti tui templum factus sum domicilium Sa-
thanæ, cum essem filius gratiæ, factus sum fi-
lius iræ, in te igitur Pater mi peccaui, contu-
macia, fornicatione, in manitate, tribus capi-
tibus erigitur in te hæc mea inmanis Hydra,
multo itaq; maior mihi videtur esse inmani-
tas peccati mei quam, quod aliud possit co-
gitari, immensum peccatum Adæ quædam
contumacia fuit, & meum contumacia qui-
dem fuit, illi præcipis, ne arboris lethalis fru-
ctus attingat, mihi per Moysen præcipis ne
uxorem alienam quæram, neq; cupiam, ille
lapsus est, ego lapsus sum, ille cōtumax fuit,
transgressor fuit, ego contumax, trāsgressor,
& homicida, ille periclitatus est in peccato
suo, & vniuersum genus humanum secū ad
pœnam traxit, quam nobis iure hereditario
imposuit, & ego saluer? nisi in misericordia
tua? & tamen, liceat modo verum dicere, ve-
ritas enim tua latere nō potest, spero vt con

donentur mihi peccata mea, id quod non est
 consequutus Adam, non est consequutus,
 quia propterea mittendus erat filius tuus, ipse
 quidem Adam reiecit in te omnem culpam,
 quo'd dederis ei Vxorem malorum consilio
 rum altricem, & propterea peccauit grauiter
 quia voluit defendere iniustitiam, & abscon
 dere iniquitatem suam tibi, cui etiā cordium
 cogitationes patent, peccauit igitur, & de fo
 mite peccati molem edificauit iniquitatis, &
 perditionis, te iniustum, imprudentem, præ
 uaricatorem insimulauit, penitentiam excus
 sit, cōtumaciam recepit, in Spiritū Sanctum
 tuum, in quo est remissio peccatorum, men
 tem concitauit, verbum iniquum, dixit pec
 catum admisit, pœnitentiæ mallio non con
 tritus, Ego vero fateor quia q̄ peccaui ex me
 fuit, non ex te, immo ex me peccaui in te, &
 tamē omnis mea spes est in te, cui peccaui, &
 a Medico meæ iniquitatis telis petito, medici
 nam imploro, peccaui tibi soli, adulterium
 perpetrando, nō tamen peccaui Spiritui, san
 cto tuo, pœnitentiam non agendo, At nec sa
 tis erat flagitiū admissū, tibi soli peccasse, sed
 accedit ad hoc, alia moles peccati q̄ feci ma
 lum coram te, & cum nihil sit peius malo, ni
 hil melius bono, feci malum coram bono, im
 mo coram optimo deo admisi pessimū pec

B a

1
catur. feci peccatū coram gratia, accepi mor-
tem coram vita, coram maiestate tua, immo-
cū tu esses in me p̄ imanitate, & mole mali cō-
tinuo discessisti a me, nam maior est nequitia
mea, quam fuerit iustitia mea, iustitia enim la-
p̄sa est, nequitia præcipitavit me in voragi-
nem omnium malorum, feci ego malum co-
ram filio tuo homicidium admittendo, ille
enim veniet moriturus vt hominem lapsum
a morte reuocet, & exuscitet, ego labens ho-
minem viuentem morti tradidi, illum mise-
ricordia ad hoc inflammabit, me prodigiosa
libido, & truculenta crudelitas ad mortem ir-
ritauit, sed quoniam multo maior est miseri-
cordia tua, quā omnia quę esse possunt in
omnibus simul mortalibus scelera, & licet le-
serim te Patrem lasciuiēdo, te filium occiden-
do, tamen misericordiam tuam imploro, &
a quo implorem? an a patre cui peccaui? an
a filio coram quo malum feci? Nempe implo-
ro misericordiam a Spiritu sancto, qui Patris
& filij est placator, a quo fontes misERICOR-
diarum perpetua effluunt clementia, in quo
renascuntur qui viuunt, & a quo viuūt om-
nia quę nascuntur. Tu igitur Sancte Spiritus
qui cum ignis sis splendidissimus, regnas in
aquis liquidissimis, cum sis vita incorrupti-
bilis mortem destruis corruptibilē, cum sis

consolator afflictorum, delicta eluis peccatorum, qui patris & filij es insolubilis concordia, hauri tu has meas lachrymas, audi vocē gemitus mei, aspice me humi iacentē, nec ad te oculos attollere audentem, sed tantum iniquitatem meam confitentem, Aspice tu, aspiciet Pater, audi tu, audiet filius, atq; inde ex patris aspectu, & filij auditu, reuertetur ad te gemitus meus comittetur sibi causa mea subicietur iudicio tuo, qui mihi non es iratus, cui non peccaui, aut obstinatus restiti, confido ego tibi, quia misericors es iudex, & iudicium tuū est in misericordia, immo iudicium meū a me est, in lachrymis meis est, non quia lachrymę meę iudicēt, me iustificent me, abluant me, sed q̄ misericordia tua disposuit eas, vt quam primum ex oculis rorare ceperunt iudicatus in misericordia, ac in clementia iustificatus fuerim. O solidam igitur misericordiam, o inexplicabilem clementiam, quę peccatores corrigit, iniquos iustificat, perversos conuertit, sanctos sanat, mortuos viuificat, beat viuentes, in qua ego conuersus sum ad te Domine Deus meus, licet malum fecerim coram te, ante clementiam tuā, contra te omnipotentem, & licet non ceciderim, vt erigi noluerim, tamen quia cōuersus sum ad te, & tu in quacunq; hora penituerit peccatorem,

B 4

ac peccasse doluerit, non recordaris amplius
omniū iniquitatum eius, deleturq; de libro
malorum nomen eius, contrigit mihi, vt iusti
ficeris p̄ me in sermonibus tuis, atquid dixi p̄
me? quinimmo ī me per flagitia mea cōsum-
mares p̄missa tua, vt non recorderis iniquita-
tum mearum, fui itaq; malus ad bonum, fac
igitur tu me bonum ex malo, quia peccator
sum, facinorosus sum, gemebundus ad te ve-
nio, at in quo veros facies sermones tuos, ni-
si in peccatore? an iusti misericordiam tuam
implorent? qui quia fideles fuerunt in te, ex
fide uiuūt, si peccatores misericors Deus vo-
cas, si medicus ægrotos, ecce ego venio pecca-
tor, venio ægrotus, miserere mei peccatoris
fana me ægritudine animę meæ laborantem
Tu misericors, ego peccator, deme peccata
ex mundo, nō erit in quo misericordiā tuam
exerceas, quem tuearis iustitia tua, non enim
Dominus est sine seruo, neq; iudex sine reo,
Tu dominus, ego seruus, tu iudex, ego reus,
miserere igitur mei, & sermones tui in me iu-
stificabūtur, adimplebis in me ea quæ scripta
sunt de misericordia tua, nam cœlū, & terra
periclitabuntur, verba autē tua inuiolata per-
manebunt, cum ergo misereberis mei, & de-
lebis iniquitatem meam, gratiā tuam infun-
dens super me, & ego iustificatus euasero se-

ueritatem iustæ sententiæ tuæ, Tu dñe Deus
 vinctes in huiusmodi iustificatione, nam vin-
 ces me, quia ego properabam ad malum, &
 reuocaueris ad bonum, vinctes etiam eos qui
 dicunt me ita lapsum esse a gratia tua, vt non
 possim euadere indignationē, & seueritatem
 tuam, vinctes etiam eos, qui iudicant te, & di-
 cunt, si Deus est Deus vltionum, & hic admi-
 sit iniquitatem in conspectu Dei, iustitia dei
 nō esset iustitia, sed iniquitas si seruaret eum,
 quia ipse iniquus est, deus autē est iustus, Tu
 vero cum me iustificaueris, & confirmaueris
 misericordia tua, tunc euasero vltionē tuam,
 & qui mihi debebas esse Deus vltionū, eris
 Deus misericordiarum, & loco iustitiæ aspi-
 rabit mihi gratia tua, & ita vinctes temerariū
 præiudicium eorum, qui mihi aduersantur, et
 secundum prauas cogitationes, aut desideria
 sua iudicant de misericordia tua, quos tu in-
 sanos, & iudicijs carnalibus cōfustos a te abi-
 cies, q̄ iudicent Christos tuos, non est enim
 Iudex præter iustum Iudicem, qui venturus
 est iudicare viuos, & mortuos.

» *Ecce enim in iniquitatibus conceptus sum, & in*
 » *peccatis concepit me Mater mea.*

ECCe accusant me inimici mei, iniquitates
 meæ, in iudicium vocor coram maiesta-

te tua, reus sum adulteriꝝ, iniquitatis, non ta-
men impietatis, ecce peccatum meū agit cau-
sam contra me, pēnitentia, & lachrymæ meę
interpellant misericordiam tuam apud te,
tu iustus iudex in misericordia sententiam
promulgas, sed quoniam tu solus es bonus,
& præter te nullus est iustus, cum omnis ho-
mo sit mendax, tu bonus iuxta bonitatē tuā
fers sententiā, ecquā sententiā? bonam fa-
nē, Audite Peccatores hoc diuinum decretū
consolamini qui desperatis de misericordia
Dei quia in pēnitētię dulcedine deletur pec-
cati amaritudo, scribite itaq; in cordibus ve-
stris hanc salutarē sententiā, & abstinete a ma-
lo, et inuenietis apud deū aduocatum diuinę
miserię præconē ipsius Dei Clementiā, Ecce
ergo sentētia decernitur a Deo qui tutelam
peccatoris suscepit, clientelam delinquentiū
ad se auocauit inquit enim, In quacunq; ho-
ra pēnituerit peccatorem non ero amplius
memor iniquitatū eius, Ecce loqueris tu iu-
dex, & profers clypeum pro me, & suscipis
patrocinium meum, apud quē suscipis tu?
nempe apud te ipsum, o iudiciū verē pater-
num, o uerē diuinum, & misericordię plenū
Vbi præter quod actor interpellat pro reo,
reus nihilominus agit causam suam coram
agēte, ubi reus impugnatur a se ipso, & actor
defendit impugnantem, quis vnquā condē-

nabitur in hoc iudicio? si pænitiæ securi
succidātur nequitiae radices? si contritio nō
ficta, nō preuaricatrix, non ambitiosa, sed in
fide, in Spe, & in vera Caritate fundata, quæ
sua sint profert? nemo profecto coram cle-
mentiae diuinæ tribunali non absoluetur, &
hoc non nisi vt iustificentur sermones tui,
tua pmissa, & in illis uincas eos, qui te secus
facturum iudicabant, En igitur ad te interior
homo meus exclamat quod sit homo ex fæ-
mina æditus, ex peccato ad peccatū, ex ama-
ro semine peccati ad amarissimos fructus
peccati, non enim mirum est si vnaqueq; for-
ma sequatur suam materiam, Mater mea est
materia mei peccati, ego autem in materiae
huiusmodi adipe impinguatus formam in-
dui peccati, sed non ne anima mea in manibus
meas semper? cum potuissim eam gra-
tia tua afflante forma boni decorare, malui
materia mali polluere, quappter licet ego in
iniquitatibus conceptus sim, & licet mater
mea conceperit me in peccatis, nō propterea
debui maternas iniquitates sequi, sed pater-
nam bonitatem imitari, Mater mea terra est,
vermis est, corruptio, & putredo est, Pater
meus tu es deus meus qui es in cælis verus,
optimus, ac sempiternus, Miserere ergo mei
Deus meus, & hoc tantum propter magnam

misericordiam tuā, Hæc interior homo meus
ad te exclamat, Ecce igitur rem notabilem
ostendis, ecquid ostendis? Actorem nempe
factum reum & iudicem ipsum rei defensorē,
Ecce. n. inquit deus cōceptus es in iniquitati-
bus, Natura q̄ creauit te ex semine iniquitatis,
nō potuit a mouere a te quod iniquum fuit,
Qm̄ omnes; in Adam mortui nati sumus,
quousq; veniat qui mittendus est, in quo vi-
uificabuntur qui audient eum, Mortuū cor-
pus quid sapere possit nisi cadauer? deme
mortem quę in iniquitatibus est, sapiet Deū,
deme quę sunt Dei, sapiet peccatum, ergo
quid in mortuo condemnabimus? an carnē
quę mors ipsa est? an Spīritum, qui ad inī-
quitate domicilium descendit, vt faceret ha-
bitaculum sanctitatis, & repulsus à latroni-
bus, à crassaloribus sæculi reuersus est ad
Deum? à quo uenerat, ergo quid animaduer-
tēdum in hominem mortuum? quid pugnā-
dum contra ea quę non sunt? Ergo Domine
Deus meus vis vt suffragetur mihi, q̄ infir-
mus sum, q̄ quasi vas figuli factus sum fragi-
lissimus, At ego debebam ad solem tuum
oculos aperire, & mortem meam à me pro-
cul depellere, & te agnoscere in lætitia tua,
non in lachrimis meis, At quomodo homo,
qui in iniquitatibus conceptus sit, lætitiā

tuam sine gratia tua hauriat? quomodo gratiam sine merito? quomodo meritum si cum culpa? si ergo traxi mecum ab utero matris meae culpam, & non meritum, nempe meritum venit à te culpa, a peccato, culpa p me, meritum per te, si ergo traxi culpā, pp peccatū traxi, si quid meriti in me est, à te est, ergo in me fuit mors mea, & non vita mea, mors propter peccatum meū, quod occidit animam, est vita à te, quia dedisti mihi habenas animae meae in manu mea, voluntati meae, arbitrio meo commisisti illas, in manu mea ergo erat ut valerem, & abdicare me à peccato in misericordia tua, at quomodo simul esse possint & culpa, & meritum? nisi quia in libertate nostra cōstituti, & excusso iugo legis, & peccati sub beneficio gratiae pro vniuscuiusq; captu mancipati alterutrum eligimus? in culpa natus sum in peccatum incidi, at meritum a te est, mecum abluitur culpa mea hoc lauacro, nam ceu culpa obruit, & delet meritum, ita penitentia obruit culpam, reducit meritum, nam culpa in malo, meritum in bono, culpa a fomite peccati, meritum a fonte gratiae, culpa ad mortem, meritum ad vitam, culpa in corpore, meritum in spiritu. Ergo in iniquitatibus conceptus sum iniquus, in misericordia tua fac me merentem, vt meritum super

abundet, pena, & culpa exterminetur, Mifere itaq; mei Deus, & quia in iniquitatibus conceptus sum, & quia in peccatis concepit me mater mea, immo nouerca mea, perditio mea, corruptio mea cōcepit me, fundauit me coagulauit me, auspicata est me ī peccatis, in iniquitatibus, nō enim dico in peccato, in iniquitate, sed in peccatis, sed in iniquitatibus, si igitur mea sunt peccata quæ originē mecum traxerunt a maternis iniquitatibus, si iniquitates quæ cognatæ mecum sunt a maternis peccatis. Tu qui solus tollis peccata mundi, elue tu deus solus notam, quam mihi inusfit mater mea, seu potius nouerca mea, aut verius mors mea, per eam enim Mors aditum habuit in me, & quæ erat mater gratiæ facta est mater iræ, o crudelē matrem, o matrem q̄ mortem filiorum maluit quam vitam, o inquam matrem, immo potius Caucaſeam Tygridem in qua mortui, & propter quam in iniquitatibus, & in peccatis concepti sumus cum a te facti ſimus ad vitam, ad bonum, ad præpotentem vim tuam contemplandam.

» *Ecce enim ueritatem dilexisti, incerta, & occulta*
» *sapientiæ tuæ manifestaſti mihi.*

Promulgata igitur pro me tā salutari ſententia qualem vix ſperare audebam, &

si tu es deus misericordiarum, & deus ultio-
 num, ecce omissa seueritate ultionis tuæ, re-
 spicis misericordiam tuam, qua dilexisti veri-
 tatem, quia uoluisti vera facere promissa tua,
 qui adeo veritatem diligis, ut in veritate ve-
 ritatē mittere pollicitus sis, quæ est filius tuus
 dilectus in quo tibi complacuisti, hanc ergo
 veritatem dilexisti, in qua deleretur menda-
 cium quod est peccatum regnans in filiis dif-
 fidentiae, qui vere sunt mendaces, quia descī-
 uere a veritate tua, hanc igitur veritatem di-
 lexisti in qua probasti misericordiam tuam,
 in me, quod ideo noui, quia dignatus es ma-
 nifestare mihi ea quæ sunt uera, licet Iudeis sint
 incerta, & gentibus occulta, uera inquam fili-
 j tui, sapientiae tuæ substantiae tuæ, quæ mani-
 festata mihi per Nathan prophetam tuum,
 cum mihi uaticinatus est uerbis tuis, quod post
 dormitionem meam post decursam uiam ui-
 tæ meæ, suscitabis semen meum post me, quod
 egreditur de lūbīs meis, & firmabis regnum
 eius usque in sempiternum, & eris ei in patrem,
 & ipse erit tibi in filium, Manifestasti igitur
 mihi ea, quæ non erant manifestanda morta-
 libus, quia omnem humanum captum exce-
 derent, sapientiam tuam manifestasti mihi, ni-
 mirum sapientiam insipienti, incerta obtuso,
 occulta cæco, Veritatem mendaci, & tamen

manifesta esse mihi uoluisti, Vidi omnia mirabilia Spiritus sancti tui in spiritu tuo, in qua patefacta sunt illa mirabilia enigmata admirabilis generationis filij tui, manifestasti inquam enigmata tua, non in enigmate, sed in speculo tuæ ueritatis, in ueritate tuæ sapientiæ, tuę substantiæ, quæ est filius tuus. Manifestasti itaq; filium tuum ueræ ueritatis manifestatione, quem iam mihi uidere uideor, Circumcisionis legem abolentem, & regenerationis fontem aperientem, quapropter.

- » *Asperges me Domine hyssopo, & mundabor laua-*
» *bis me. & super Niuem dealbabor.*

Sed quoniam uideo qd in preputio non est iustificatio, quę translata est ad fontem gratiæ, clamo ad te huius misericordiæ, harum gratiarum promum, qui mihi per te promissus est, Asperges me dñe hyssopo, utinam aspergas me, utinam uideant oculi mei salutare tuum, & aspergar hyssopo tuę misericordiæ, qua aspersione munder a lepra peccati mei, qua aspersione fiet ut lauer ab iniquitatibus meis, lauabis itaq; animæ meæ sordes, & dealbabor super niuem, ultra niuem fiam candidus, purus, ac defecatus, solēt. n. ea tibi placere, quę candorem habent in se uirginalem, quæ non

quæ non sint coinquinata contagione, & cerno carnali, Vnde tu ingressus candorem virginæ alui niuem tuâ coagulabis arcano coagulo, nam quemadmodum nix antequam fit nix in regiõe aeris ros est purissimus, & de inde fit nix cãdidissima, postremo in aquam vertitur liquidissimam, ita filius tuus descendet quasi ros de cœlo, de substantia tua, & coagulabitur vt nix in vtero Virginis, & deinde salua Virginitate deliquescent quasi aqua, nitidissima, vsq; adeo nitidissima, vt ea ablutæ purgentur vniuersę fidelium maculæ, quæ si fuerint delibutæ iniquitatibus velut est coccus colore bisfino mundabuntur, & dealbabitur quasi nix, laues igitur tu me Domine Deus meus, & renouabor, nouum hominem induam, & ab immunditijs meis dealbabor supra niuem humanæ fragilitatis, non supra niuē diuinę beatitatis. Nam nix hæc quę nostris oculis aspiciēda subiicitur, est imago cælestis illius, quam cordis oculis contēplamur, hæc riget frigore immanitatis, illa feruet ignibus charitatis, hæc liquefit sole elementari, illa solidatur sole iustitiæ, merito igitur dealbabor super niuē si in misericordia tua mundabor, si iustitiæ soliditatem consecutus fuero, nec solum mundabor, verum etiam & dealbabor super niuem, de atramento nequitie

C

fiam nix iustitię quę ego quidem omnia con-
sequar cum.

92 *Auditui meo dabis gaudium, & lætitiā, & exul-*
bunt ossa humiliata.

EC quando hæc erunt Domine mi? nempe
cum auditui meo dabis gaudium, & læti-
tiam, cum adimplebis, ea quæ a te mihi per
Nathan prophetā de filio tuo nunciata sunt,
cum auditui meo per Spiritū sanctum tuum
dabis gaudium, facies me participem tui gau-
diū, quia uerum gaudium est a te, a rebus tuis,
a diuinitate tua, quod annunciabitur per an-
gelum tuum, filius tuus dilectus annunciabi-
tur dico pastoribus custodientibus in nocte
caulas gregis sui, quod gaudium non solum
est in te, sed diffusum a te extendetur in om-
nes populos, Dabis igitur Spiritui meo gau-
dium tuum de filio tuo, & dabis etiam læti-
tiam, quæ est de rebus terrenis, nam lætatur
corpus, Gaudet anima, cum tamē a te contin-
gat & gaudium, & lætitiā, qui igitur gau-
dent, gaudeant in te, quia tu es verum gau-
dium, qui vero lætantur, letentur propter te,
quia iustitiam tuam tribuis lætantibus in te,
dabis igitur auditui meo gaudiū, & lætitiā,
ecquid potero audire ego in ærumnis meis,

in angustijs meis, quod mihi afferat gaudiū,
 & lætitiā? Nempe domine si Nathan ser-
 uus tuus dicat quod tu reuerteris ut gaudeas
 super me in omnibus bonis, sicut gauisus es
 in patribus meis, quoniam gaudium tuum,
 dulcedo mea, quā das seruis tuis, quia q̄ a
 te descuiui, non est in me gaudium, sed est spi-
 ritus afflictus, & anima turbata, des igitur au-
 ditui meo intellectui meo, non solum gau-
 dium futuræ lætitiæ, sed etiam lætitiā futu-
 ri gaudiij, & ossa mea humiliata exultabunt
 inter gaudium Dei præsentis, & lætitiā tui
 filij venientis, & exultabunt inquam duplici
 exultatione, nēpe exultatione gaudiij, & exul-
 tatione lætitiæ, Gaudium in anima, lætitiā in
 corde, Dabis tu auditui meo, intellectui
 meo, spiritui meo, animę meæ, gaudium, &
 lætitiā aduentus filij tui, nam carnī meæ nō
 dabis, quia ossa mea, tunc erunt humiliata,
 erunt in sepulchro terrenæ humilitatis, sed
 ea ossa, quæ eo tēpore erunt humiliata, exul-
 tabunt, & lætabuntur in cubili suo, propter
 gloriam generationis huiusmodi, nunc quia
 ego mortuus sum in peccatis, nihil sum in
 conspectu tuo, nisi tantummodo ossa, & ea
 quidem arida, humiliata, afflicta, ergo ea ossa
 exultabunt, quæ nūc in angustia mortis sunt
 humiliata, Exultabunt inquam in te, in quo

exultant montes, ut Arietes, & colles sicut
agni ouium, ea ossa, in quibus est putredo,
quia exercui res dignas cōfusione, exultabūt,
in te, ī quo oīa exultāt & pp quē exultāt, & p
ter quē nō est exultatio, sed dolor, & timor,
quibus perpetuis tortoribus angimur sperā-
tes in ea quæ non sunt a te, nam si bene est
nobis, futura mala timemus, si dolemus, iam
nihil est quod timeamus, intus est Vermis no-
ster, vultur noster, carnifex noster, qui consci-
entiam nostram purulentam continuē lanci-
net, sed quomodo possunt exultare ossa mea
que adeo humiliata, & debilitata sunt in pec-
catis, ut iam mortua sint? quomodo exulta-
bit creatura irato creatore? quomodo seruus
iniquus, & perfidus confugiet ad Dominum
iustum pistrinum, & verbera non timens?
Creatura sum fateor, sed creatura tua, seruus
tuus, tu creator, et dominus meus, sed descui
me miserum a te, & ex seruo tuo factus sum
seruus peccati, & creatura perditionis. Tu qui
es liberator, & gloria tua libertas nostra, non
liberabis me ex hac mortis, & inferorum ser-
uitute? & quomodo liberabis, si testis meus,
peccatum meum, accusator meus coram me
est semper? & vbi ego sum ibi & peccatum
est meū? & tu maxime odisti peccatum? adfit
domine misericordia tua inter te, & me, &

exterminabitur a me peccatum meum, ne tu videas peccatum meum, quod arguat me iniquitatis apud te.

„ *Auerte faciem tuam a peccatis meis, & omnes iniquitates meas dele.*

Auerte faciem tuam à peccatis meis, auerte iram tuam à me, auerte aciem gladii furoris tui à me peccatore, sed noli auertere aciem misericordiæ tuæ à me, noli auertere clementem faciem tuam à me supplicante, sed auerte eam a meis peccatis, quia facies tua gratiarum est plena, auerte faciem tuam à facie peccatorum meorum, quæ nigra facta est sicut camini nigredo, Ego Domine mi inuoco te, & gratiam tuam requiro, sed tu ne auerte faciem tuam à me quia iniquus sim, quia peccator sim, respice tu me, & non peccata mea, nam si animaduertes peccata mea, in quibus sepultus sum, non videbis me, tum quia moles peccatorum meorum obruit me, tum etiam quia peccata mea nebulæ sunt, Nox sunt, tenebræ sunt, quæ abdidit me à facie tua, respice igitur me radix tuæ misericordiæ, & iustificabis me sole tuæ Iustitiæ, & nebulæ meæ euanescent, nox mea illuminabitur, tenebræ meæ recedent, &

qui sine te tenebrę sum, cōfidēs misericordiæ
tuæ ero in lumine vultus tui, auerte igitur fa-
ciem tuā à peccatis meis, ne aduertas ad pec-
cata mea, quia non ea sunt quæ per humanā
iustitiam remitti possint, sed sunt adeo, sordi-
bus nequitiarum mearum coinquinata, &
facta abominabilia, vt opus sit oleo mise-
ricordiæ tuæ ut diluantur, sed aspice tantum
humilitatem meam, conuerte faciem tuā ad
me misericorditer, & ita delebis omnes ini-
quitates meas, quas contraxi in vitæ meæ er-
roribus, nam si respexeris me misericordia
tua sanabor ab omni agitudine mea, Vir-
tus enim exit de te, & sanat omnes, Auerte
igitur faciem tuam à peccatis meis, ut de fru-
ctu lumborum meorum ponas super sedem
tuam, si venisti uocare peccatores, vt eorū
culpæ, & peccata essent occasio misericordię
tuæ, nec peccatores renuisti per quos in car-
nis ergastulo assumas filium tuum dilectum,
cur auertes faciem tuā à me? quia sim pecca-
tor? deme tu omnes iniquitates meas, qui
tollis peccata mundi, & conuerte faciem tuā
ad me, respiciēs me per assumptionem in hu-
manam carnem filij tui, cuius diuinitate non
solum delebuntur omnes meæ iniquitates,
sed etiam omnia peccata in te credentium, si
igitur, ut spero, auertis faciem tuam à pecca-

tis meis delebuntur omnes meæ iniquitates,
ut filius tuus quē missurus es de domo mea,
non egrediatur ex habitaculo immundo
sed defecato, & purgato.

*Cor mundum crea in me Deus, et Spiritum rectum
innova in uisceribus meis.*

TV qui creator es omniū, crea in me cor
mundū, cor syncerū, cor purū, ut dignus
sim uidere te, quando quidem non nisi hi qui
mundo sunt corde vident maiestatem essen-
tiæ tuæ, essentiamq; Maiestatis tuæ, & qui nō
vident te, non vident propter immunditiam
cordis eorum, Nam cū tu sis qui resistis dia-
bolo, qui aduersaris peccato quod concipi-
tur in corde, nisi crees in me cor mundum,
nam Cor meum est coinquinatum delictis,
non potero, videre faciem tuam, nisi miseri-
cordiam tuam effundas super me per dimis-
sionem peccatorum meorum, & cordis mū-
ditiam, & quæ sunt, quæ mundant cor? nem-
pe' pharmaca quæ descendunt in corpus per
organa Spiritus bonæ uolūtatīs, scilicet pau-
pertas ipsius Spiritus, māfuetudo, lachrymæ
quæ in charitate non ficta funduntur, deside-
rium iustificandi se apud te, misericordia er-
ga egenos, pacis, & concordie sacramenta.

rumq; custodia, patientia in persecutionibus,
& angustijs, & mendacium, vanorumq; ma-
ledictorum contemptio, crea itaq; his semina-
nibus in me cor dignum tanto creatore, scio
enim quod te creante non desciscet amplius
à te, quia semen tuum, semen æquitatis, ac
quid dixi crea, non ne creasti in me Cor? an
creasti in mundum? absit ut sit in mundum
quod mundus creauerit, immo Deus, tu crea-
sti mundum, sed in mūditiæ meæ sunt à pec-
catis meis, sed quia peccata occidunt animā,
& amissa anima corpus dissoluitur, iam sum
dissolutus, & mortuus coram te, nec viuit in
me nisi mors, peccatum meum, crea igitur
tu in me cor mundum, cor obsequens man-
datis tuis, & viues tu in me, & ego viuā pro-
pter te, & quia non tantum corpus meum
est sordidum immunditia peccatorum, sed
etiam & Spiritus, qui est animæ index obli-
quitate mandatorum, innoua etiam in me
Spiritus rectum, rectum dico quia anima
quæ immunda est incedit curua, anima mea
quæ est immundissima, & grauis propter sar-
cinam peccatorum curuatur ad terram non
potest tollere faciem suam ad cælum ad deū
suum, sed cum sequuta fuerit ea quæ sunt mū-
di, nihil sapit nisi mundum, nisi terram, nisi
abiectionem, & uile, Tu ergo qui facis mundum

nouum cælum nouum, nubes nouas, montes nouos, arbores nouas, animalia noua, potestates nouas, mare nouum, piscatores nouos, aues nouas, flumina noua, & denicq; omnia noua, non ne facies nouum in me spiritū? omnium bonorū innouator? innoua igitur in uisceribus meis, in interiori homine meo, non in ipsa tantum superficie mei, Spiritum rectum, nam hic veterator qui nunc habitat in me, non est Spiritus meus, quia non est a te, cum discefferim a te, & ideo non respicit ad te, sed incuruatus incedit ante conspectū tuum, non audet tollere faciem suam ad te, quia tu creator, ille occisor, tu seruator, ille desolator, ecce itaq; a me Spiritum obliquū, incuruum, circumuentorem, & prauaricatore rem meum, & innoua, ac reforma in uisceribus meis, in medullis meis, in adytis meis, in penetralibus meis, Spiritum rectum, tuis mandatis obsequentem, mitem, misericordē, & bonorum operum propagatorem, & nō attēdas quod fugias a peccatis meis, sed attende quod ego clamo post te, ut saluus fiam.

” *Ne proicias me à facie tua, & Spiritum Sanctum tuum ne auferas à me.*

NE proicias me Domine à facie tua, quia facies tua facies gratiarū, & salus tua est

procul à peccatoribus, ergo sum ego absq̃
gratia, absq̃ salute tua, si sis procul à me, cæ-
cus sum, illumina me, ægrotus sum, sana me,
lux es, medicus es, qui illuminari, & sanari
vult, opus est ut ueniat ad te, & eū qui uenit
ad te nō eicis foras ecce adfū, clamo, cupio vi-
dere te, & adherere gratiæ tuæ, an mihi quærē-
ti panem tuū, saxum porriges? absit Dñe mi,
Ego saxū, tu panis, tu saxa ad te uocas, ut fa-
cias panes, qui ex saxis facis filios Habrææ,
quos pascas pane tuo, nimirū pane illo tuo
uitali, qui est super omnē humanam substā-
tiam, Tu panis viuus, ego petra offensionis,
erue igitur à me duritiem petræ, & concede
stabilitatem petræ ut non vincar, non nutem
à peccatorum procellis, & quem fermentum
peccatorum corrūpit, azimis tuæ syncerita-
tis, & veritatis satura, ac refice, Itaq; ne proi-
cias me à facie tua, ne abicias me à misericor-
dia tua tanquā ad omnia inutilē ecclesiæ tuæ,
& conculcer ab omnibus in potestatēq; dia-
boli tradar, Ne itaq; proicias me à facie tua,
à clementia tua, ab omnipotenti Maiestate
tua, me dico, de cuius femore assumpturus
est carnem filius tuus, & ne auferas à me do-
num Spiritus sancti tui, quod abste mihi per
Samuelē infusū est, ergo ne auferas à me Spi-
ritū sanctum tuū, tuam gratiā, inqua Spiritu

Prophetiæ donatus sum, nō auferas Spiritum
 sanctum tuū a me, quemadmodū abstulisti a'
 Saule, qui propterea phanaticus correptus
 est a' Spiritu inmūdo, quia & dedisti eū in p-
 ditionē proiecisti eū a' facie tua; & abstulisti
 ei tuū Spiritū sanctum, quo perperā abusus
 fuerat, vt te ex deo adiutore, experiretur deū
 ultorem, quapropter per gradus iniquitatis
 descendens in barathrum nequitiarum præ-
 cipitatus est a' corrupto, & vitiato sensu, Ne
 igitur rogo te auferas a' me Spiritum sanctū
 tuum, ne illo exeunte ingrediatur Spiritus
 Sathang, & ideo ne picias me a' facie tua, quia
 tū proiceres me a' facie tua cū auferres a' me
 Spiritū sanctum tuum, & tū auferres a me spi-
 ritū sanctū tuū, cū proiceres me a facie tua, ne
 auerte gitor facie tuam a me, sed illā auerte a
 peccatis meis, nā non sumus vnū ego, & pec-
 cata mea, sed ego a te, peccata autē mea a me,
 q̄a ego descīui a te, Ne itaq; proicias me a fa-
 cie tua, & non auertas a me facie tuā, et redie-
 ro ad te, & cor meum factum mundum eiciet
 peccata mea, Age obsecro Domine mi asper-
 ges me Hysopo tuæ regenerationis, munda
 me, & dealba nigredinem animæ meæ sola-
 re me, consolare tristitiam meam, ne aspicias
 peccata mea, dele omnes iniquitates meas,
 crea in me cor mundum, innoua spiritum re-

ctum, ne proicias me a facie tua, a misericor-
dia tua, humilitatem meam, nec auferas a me
quem iam dedisti Spiritum Sanctum tuum,
hæc nunc peto quia confido tuæ clementiæ,
supplico tibi, quia Deus es, misericordiam
tuam imploro, quia misericordia es, Est etiã
quod petam, nam non sufficiunt ea omnia
quę petij, nec possum cōtineri quin supplicē
tibi, tum quia valde pauper sum, & egenus,
& indigeo multiplici tuæ misericordiæ be-
neficio, tum etiam quia tu misericors, & om-
nipotens es, omnia sunt a te, & per te, & tibi
subdita, & tamen nihil tuum est, ex his om-
nibus quę sunt, quia nullius rei indigus es,
cum sis typus ipsius perfectiōis, omnia nobis
fecisti bona, omnia nobis dedisti, & nobis
non solum factus es liberalis, sed prodigus,
cum etiam ad maiorem liberalitatem tuam
ostentandam temetipsum dedisti nobis, nem-
pe nocentibus innocentem, peccatoribus iu-
stum, dedisti dico in spiritu, quod in carne da-
turus es, deus ergo liberalis es, Deus inquam
omnium quę sunt, & Dominus, Non'ne ego
abuterer tua liberalitate, si pauca a te peterem
cum multis indigeam, cum tu itidem maxi-
ma pollicearis: non'ne viderer irridere tuam
potentiam, ac de ea subdubitare, si res parui
momenti efflagitarem ab eo, qui mirabilia fa-

cit solus? qui de stercore erigit pauperem, & potentes deponit de sede, qui cum a peccatis nostris offenditur, indulgendo, & nobis gratiam suam offerendo placatur, qui solummodo contumacibus, & peruicacibus resistit, & eos a se abijcit.

22 *Redde mihi lætitiā salutaris tui, & spiritu principali confirma me.*

TVa Domine mi liberalitas, tua misericordia, tua clementia facit me intrepidum, vt petam, quia tu liberalissimus es dādo, scio enim quod dicis pete a me, & dabo tibi, scio quod maxime delectaris in congesione gratiæ tuæ, quia qui te interpellant agnoscunt in Deum, non sunt a Deo petēda, nisi ea quæ mundus non potest, pax scilicet, & non solum pax corporea, sed etiam illa pax tua spiritalis, quæ fundata est in lætitiā salutaris tui, filiū tui, Haftenus Domine mi hesitabam, in tenebris loquebar, quia in peccatis eram, cū non confiterer peccata mea. Nunc quādo per confessionē Nathæ factā, video a te creatum in me cor mundum, & spiritum rectum innouatum in visceribus meis, video me renouatum non solum in carnis mundatione, verumetiam in Spiritus contributione inci-

píam cōfidentius liberius, ac clarius loqui de
mysterio incarnationis filij tui, & ita loquar,
vt non discedam a supplicationum mearum
incepto, & ab imploratione misericordiæ
tuæ, Redde itaq; mihi Domine mi lætitiā
salutaris tui, restitue mihi eam, quam promi-
sisti lætitiā aduentus filij tui, qui salus erit
credentium in se, lætitiā dico, quia in eo læ-
tabitur vniuersa caro, quæ contribulata per
peccatum, in eo lætabitur per gratiam. Tu
pollicitus es mihi hanc prærogatiuam, quod
sis assumpturus filium tuum de vtero meo,
nempe de vtero Virginis de linea prosapiæ
meę descendētis, Nam quomodo, possis ex
vtero meo educere salutare tuum? pollicitus
es, & per peccatum meum deleta est promi-
sio tua, deletum donum meum, at non deleta
est misericordia tua, Tu igitur qui es pax, &
habitas in pace, propter iniquitatem meam
geres aliquam simultatem cum genere huma-
no? Pollicitus es mihi salutare tuum, iam igitur
cōcessum est, iam decretum, quia tu facis
dicendo, & dicis faciendo, quomodo ergo
ea quæ per te facta sunt, facies ne facta sint?
plus valebit apud te vnus homunculi, imo
vnus vermīs, qui in iniquitatibus, & in pec-
catis conceptus est, transgressio, quam in mē-
sum pelagus misericordiæ tuæ? Redde itaq;

mihi lætitiā salutaris tui, ne auferas de domo
 mea, de familia mea donum hoc præcipuum
 tuæ generationis, quæ mihi a Spiritu Sancto
 tuo reuelata, numerata, & enarrata est, quis
 enim alius enarrabit eam? nemo sane' præter
 te, qui verbum tuum ad hoc missurus es, sa-
 lutare tuum, de quo iam dixi expectare me,
 & alias quod viderint omnes termini ter-
 ræ salutare Dei, Nempe tu promittendo no-
 tum fecisti salutare tuum, & in cōspectu gen-
 tium reuelasti iustitiam tuam, dixi te fecisse,
 dixi reuelasse, quia videbam in enigmate nō
 seu enigma, sed explicatam veritatem, nam
 verba tua facta sunt, Redde ergo mihi hoc sa-
 lutare tuum, quod mihi reuelando cōcesisti
 ne auferres a me, a domo mea, a familia mea
 Spiritum sanctum tuum, da mihi vt vera di-
 xerim, de salutari tuo, nam ea quæ dixi Spi-
 ritu sancto tuo dictante dixi, qui nō est men-
 dax, nec otiosus, aut vanus, Et Spiritu princi-
 pali confirma me, confirma ergo me vt vera
 dixerim spiritu principali, spiritu tuo, nam
 tu cum filio, & Spiritu sancto tuo, vnum es,
 & vnus deus, tamen principalis spiritus est
 tuus, non quod imperet filio deo, verū quod
 primus, & princeps es in mysterio inexplica-
 bilis Trinitatis, Pater enim es a te tantū, cum
 filius tuus sit a te, a substantia tua, & Spiritus

sanctus a te, et filio tuo procedat, es itaq; in te
spiritus principalis, confirma igitur me tuo
spiritu principali, ne labar iterum in foueam
iniquitatis, confirma me tu nunc tuo spiri-
tu principali, nam a filio tuo videor gratiam
impetrasse, sed quia tu es pater, & filius, et spi-
ritus sanctus a te sunt, Nisi tu confirmaueris
me in gratia tua, spiritu tuo principe omniū,
nihil sum, non quod eadē voluntas, quæ est
in filio, non sit in te, & in Spiritu sancto, sed
quia enormitas peccati non indiget leui in-
dulgentia, confirma ita spiritum meum,
seruum in peccatis spiritu tuo principe in
misericordia, & quoniam spiritus tuus est a
quo docemur omnia, cum nunc nihil sapiam
nisi cænum, nisi sordes, quas docuit me spiri-
tus Sathanæ, tūc adhærens misericordiæ tuæ
per spiritum rectum tuum, & illustratus ab
eo, ac confirmatus, a tanto principe.

„ *Docebo iniquos vias tuas, et impij ad te cōuertētur*

MVnus quippe tui Spiritus sancti est diri-
gere, lustrare, & confirmare, munus ve-
ro eorum qui a Spiritu sancto tuo sunt dire-
cti, lustrati, & cōfirmati, est charitatem in om-
nibus exercere, Ego itaq; cum hoc triplici
pharmaco, sanus ab ægritudinibus meis, di-
rectus

rectus in fide tua, lustratus in spe, confirma-
 tus in charitate, nihil præterea sperabo nisi
 ea quæ a te sunt, Docebo itaq; iniquos vias
 tuas, misericordiam tuam, iustitiam tuam do-
 cendi sunt iniqui, scilicet, et impij, iniqui sunt
 qui diuinę legis æquitate postposita contra
 te erigunt cornua, qui alienis inhiant, qui
 animas suas deo debitas diabolo addicunt,
 Impij, qui respuunt ea, quæ tua sunt, & ea
 quæ terræ sunt desiderio amplectuntur, Im-
 pij qui quotidie Christum tuum in se uiuen-
 tem blasphemij, & scelerosis facinoribus oc-
 cidunt, lacerant, cruci affigunt, Impij qui di-
 cunt in corde suo non est Deus, qui volupta-
 tibus carnalibus illaqueati quę sunt Dei abi-
 ciunt, tales igitur acta penitētia docebuntur
 a me, quid docebuntur? vias tuas, ergo non
 erunt amplius iniqui, si erūt in vñs tuis, nam
 iniqui sunt, qui longe sunt a viis tuis, a Chri-
 sto tuo, a veritate tua, docebo itaq; iniquos
 vias tuas, quę sunt viæ tuæ Domine? non ne
 veritas? ergo veritatem docendi sunt iniqui,
 veritas non ne est. verbum sanctum tuum?
 ergo iniqui ignorāt Christum tuum, si igno-
 rant per quem sunt, ergo sunt impij, qui a te
 facti sunt, & te non agnoscunt in Deum, im-
 pij sunt, cum tu sis pietas, qui pietatem tuam
 abijciunt impij sunt, O igitur infelicem illum

D

qui te ignorat, qui est iniquus, & non vult
doceri Veritatem tuam, factus est impius ex
creatura Dei sui creatoris, factus est hostis re-
demptoris, factus est resistens deo suo, vitæ
sue, factus est petra offendiculi in quam im-
pingant peccatores, Quomodo ergo pecca-
tor docebitur vias tuas, si iniquus est? quo-
modo conuertetur si impius? quomodo pæ-
nitentiam aget, si iniquitas eius facta est im-
pietas, si impietas coniuncta, & aggregata est
iniquitati? Audiat igitur veritatē, teneat vias
Domini, Omne verbum, inquit veritas, in
Spiritus sanctum non remittetur, neq̃ in
hoc, neq̃ in alio sæculo, ergo iniquitatem, &
impietatem sectari est, verbum dicere in Spi-
ritum sanctum, quid aliud est, quam obstina-
tum esse? & spiritu diabolico veritati resiste-
re? & penitentiae sacramētum abicere, & sibi
diffidere? si ergo Spiritus sanctus est in quo
fit remissio peccatorū, si ipse est fons veniæ,
quomodo inimico Spiritus sancti remitten-
tur peccata? quomodo non sitiens peniten-
tiam, bibat in fontē veniæ? veh igitur ihs, qui
iniquitatis & impietatis visco retenti, ab ec-
clesia Dei exierunt, qui mēbra putrida facti
sunt, qui Oves fugitiuæ, & hædi diaboli præ-
da, lupis deuorandi oblatis sunt, Agant igitur
pænitentiam miseri, cōfidant misericor-

diæ tuæ facinorosi, & licet peccauerint, remittentur eis peccata sua, petāt a te gratiā tuam, & dabitur eis, quærant misericordiam tuam, & inuenient eam, pulsent postes hostij tui, et aperietur eis, Ecce igitur Domine mi ego egenus peccator peto gratiam tuā, infensus tibi quæro te, exul a' regno tuo, pulso fores misericordiæ tuæ, Audi me Domine vt exaudias, aperi mihi viscera misericordiæ tuæ, atque vt postmodū sim ciuis, regni tui cōcede.

- ” Libera me de sanguinibus Deus, Deus salutis meæ,
 ” & exultabit lingua mea, iustitiam tuam.

SCis Domine quia in iniquitatibus conceptus sum, & i peccatis edidit me mater mea, quid ego sim a matre mea, a peccato ipso, nisi peccatum? & peccatū quid edere possit nisi peccatum? peccatum igitur sum a peccato, at intercescit misericordia tua, & ex peccato fecit me iustificatum in tua tamen iustificatione, non in mea quæ nulla est, At quoniam serpries in die cadit etiam iustus, cōfirma tu me ne cadam, & quoniam caro concupiscit aduersus spiritum, & sanguis aduersus animā, & caro, et sanguis sunt fomites peccati, nā ex carne sanguis, ex sanguine vero cupiditates, libidines, iræ, inuidiæ, auaritiæ, & id genus

D 2

sexcenta alia portēta emanant, quę spiritum,
& animam meam obruunt, libera me de san-
guinibus, de his peccatis, in quę quodam-
modo dispositione, & instinctu naturę co-
gor impingere. Nam hæ sunt catenę, hæ com-
pedes, quę spiritum vinciunt animam deti-
nent, libera igitur me de his catenis, quibus
astrictus trahor in profundum malorum, san-
guis enim sanguines generat, & peccatū pec-
cata, quinimmo i vno peccato infinita latēt,
& comprehenduntur peccata, veluti ex vno
sanguine infinitę deriuant hominum ægri-
tudines, Nam sanguis est spiritus Vitę, si san-
guis corruptus sit tentationibus carnis, vita
itidem pessimo spiritu agitata nō erit in san-
guine, sed in sanguinibus, vita si quidem hic
agentium militia est, quid in militia versatur
nisi sanguis? at non omnis sanguis est in san-
guinibus veluti non omnis militia est in san-
guine, qui pro te, ac ideo in te moriuntur san-
guinem fundentes, ihs sanguis vere est spiri-
tus vitę, nam fundunt sanguinem ad vitam,
qui vero bonorum vitam propter proprię
mentis pessimum habitum sanguine effuso
destruunt, n̄ quippe in sanguinibus versan-
tur, cum itaq; ego in his sanguinibus, quasi
cruentus carnifex, inuoluar, tedet me, penitet
me militię meę, quapropter transfugio a san-

guinibus ad sanguinem, a peccatis ad misericordiam, video enim quod propter magnam misericordiam tuam missurus es filium tuum, qui sanguine suo lauet peccata mundi, libera igitur me propter eandem magnam misericordiam tuam, a peccatis meis, sanguine filii tui, quæ quidem peccata sunt a sanguinibus, & in sanguinibus contracta propter sanguinis interioris in sanguinem exteriorem contractam labem, libera tu me Deus Pater, in quo non est sanguis, me dico, qui totus sum sanguis, at in sanguinibus, & in uoluptate carnis, & in mundi iniquitatibus conceptus sum, libera etiam deus salutis meæ, Deus filius, qui me sanguinum, sanguine tuo saluaturus es, libera inquam me ab his sanguinibus, ad quos delendos, & abstergendos venturus es, & exaltabit lingua mea iustitiam tuam, & lingua mea, quæ actenus agitata est a sanguine nunc directa a spiritu exaltabit ad cælum tollet, si quidem bona opera ad cælum coram maiestate tua perferuntur, non profecto exaltabit iniquitatem meam, sed iustitiam tuam, quidnam aliud est iustitia tua erga peccatores, nisi misericordia? vteris enim misericordia loco iustitiæ, cum scilicet penitentes iudicas, vteris iustitia, & iudicio erga impios, & contumaces, Exaltabo ergo iustitiam tuam, quid aliud

D 3

prædicare possit misericordiam cōsequutus,
quam misericordiam tuam? quid iustificatus
a te quam iustitiam tuam? o felicem qui per
alteram tendit ad alteram, qui ex cæco illumi-
natur, ex seruo liberañ, ex coinquinato mun-
datur, ex aduena, & fugitiuo, accipitur ī pa-
tem regni cœlestis. Da tu igitur mihi Domi-
ne Deus pater futuri sæculi, & tu Deus fili hæ-
res pacis, & dator salutis, da mihi vt per line-
guam meam exaltetur iustitia tua.

Domine labia mea aperies, & os meum annuncia-
bit laudem tuam.

VT igitur extollatur per me iustitia tua, a-
peri tu Domine labia mea, os meum, cor
meum, qui aperisti os Asine Balaam, qui ape-
ruisti ianuas cæli, qui aperuisti scripturas, eas
adimplendo, aperi tu inquam labia mea, quo
aperiente non est qui claudat, peccatū meum
clausit mihi labia mea, vnde ad pronuncian-
das laudes tuas mutus factus sum, qm̄ qui
in peccatis sepultus est, non est aptus vt lau-
det te, quia labia eius clausit diabolus, qui ha-
bitat in corde eius, Ecce iam per gratiam mi-
sericordiæ tuæ aperti sunt oculi mei; & iam
intuentur lumen tuum, aperi tu igitur labia
mea, ut de te loqui possint, si enim ego ape-

ruero labia mea, non potero eloqui, nisi ea
 quæ mea sunt, peccata scilicet mea, & iniqui-
 tates meas, si igitur labia mea, cum sint labia
 peccatoris, sunt clausa ad pronunciandas lau-
 des tuas, & propter iniquos sermones, & im-
 pia mandata facta sunt immunda, nisi tu ape-
 rias ea, licet cor sit apertū, labia ipsa quæ sunt
 carnea, & sedes sanguinis non poterunt an-
 nuntiare ea quæ tua sunt, aperi itaq; ea, & os
 meum præco cogitationum mearum, annun-
 tiabit laudem tuam, cum sim creatura tua, &
 ad te conuertar, tamen laudabo te, mōstrabo
 enim in me opera tua esse bona, quemadmo-
 dum artificem laudamus in excellentia artifi-
 cii sui, Ecquis unquā poterit annuntiare lau-
 dem tuam, nisi qui in te sunt sancti tui? Ange-
 li tui? beati tui? quibus ipsis labra in bonis
 operibus aperuisti. At ego putabam ad pro-
 pitium te, & placandum Maiestatem tuam
 propter peccata mea, opus esse sacrificio, &
 holocaustis, quæadmodum in lege scriptum
 est, at uideo aliam legem nouam, multo salu-
 briorem, multo saniolem, ac deniq; multo
 conducibiliorem lege illa ueteri absint, igitur
 propitiatoria sacrificia, absint holocausta.

» Quoniam si uoluisses sacrificium dedissem utiq;
 » holocaustis non delectaberis.

D 4

QVoniam tibi nō sunt grata holocausta,
neq; sacrificia, quippe' qui daturus es in
extremum sacrificium, & holocaustum filiū
tuum, qui uerissimum erit holocaustum, gra-
tiosum, salutare, & oblatum non ad soluenda
peccata sua, quorum expers erit, sed peccata
nostra, ideo non oblatum in misericordia tā-
tū sed etiā in charitate, Hoc igitur holocau-
sto claudes legem holocaustorum, quoniam
nihil gratius, nihil acceptius poterit tibi of-
ferri quā holocaustum filiū tui, quod tibi ob-
laturæ sunt Gentes ad te conuersæ, oblatum
dico non in sanguine hircorum, & Vitulo-
rum, sed in Azymis synceritatis, & Veritatis,
Non in calice testamenti Mosaici sed in cali-
ce benedictionis filiū tui, non igitur delecta-
beris holocaustis, in quibus absumitur flam-
mis aliena caro, sed delectaberis holocaustis,
in quibus offert proprius spiritus, afflictus,
& a malis operationibus imperitus, & pul-
satus, non tamen superatus, & Cor contri-
tum, pænitiæ malleo eneruatum, &
humiliatum, & humilitatis Spiritu com-
punctum, Ergo libera me a peccatis meis, &
non succenseas mihi quod propter peccata
mea tibi non offero sacrificium, & holocau-
sta, scio enim quā non delecteris huiusmo-
di sacrificio, & holocaustis, in quibus sanguis

Taurorum, & Hircorum, & Vitulorum funditur, sed delecteris eo sacrificio, in quo, loco sanguinis, funduntur lachryme, in quo loco materialis carnis, offertur Spiritus tristis, & cor contritum, in sacrificiis enim legitimis, et holocaustis continetur extrinseca legis ceremonialis observatio, non intrinseca gratiæ adhibitio, non animæ illustratio, sed corporeæ, & carnalis felicitatis procuratio, in qua non placaris, quia non delectaberis ea, quia non acceptabis sacrificia, et holocausta, Nam sanguis Hircorum, & Taurorum, & cinis Iuence conspersus, in legibus, coinquinatam carnem mundare creditur, Ego nō peto mundari in me quæ mihi demortua sunt extrinseca, sed quæ viuunt tibi in æternum intrinseca, quæ non mundantur sanguine Hircorū, aut Taurorum, sed in baptismo, & pœnitentia, laua igitur me, & dealbabor super niuem, sed Baptisma meum, & pœnitentia mea in lachrymis meis est, sed in afflictione cordis mei, & Spiritus mei.

” *Sacrificium Deo Spiritus contribulatus, Cor contritum, & humiliatum deus non despicies.*

QVoniam sacrificium uerū quod placat deum filium tuum, quod placitum est

deo filio tuo qui tecum in Spiritu, & Veritate adoratur, & qui, non est nisi in Spiritu? nam quid offerendum Spiritui nisi Spiritus? quid offerendū mundo corporeo, & carneo, nisi caro, et sanguis? offero itaq; Deo filio tuo sacrificium suum, quod est Spiritus ærumnosus, anima gemens pro peccatis commissis, nō caro hilaris, pro bonis temporalibus acquisitis, Spiritus ærumnosus, anima tristis, propter molem mali quæ incedit curua, & infirma, & oculi deficientes in lachrymis, & Spiritus esuriens iustitiam dat gloriam, & sacrificium tibi Domine, Nam spiritus lætitiæ ligat, Spiritus afflictionis soluit, ille ædificat ad Gehennam, hic ad Vitam, addo etiam spiritui qui est principium animæ in sacrificiū tibi principiū ipsius corporis, quod est Cor, sed non Cor exhilaratum uanis cogitationibus sed Cor contritum pænitiæ lima, & humiliatum humilitatē spiritali, non humilitate temporali, Ecce tibi qui es principium omnium bonorum, offero principia eorum bonorum, quæ in me esse uoluisti, offero ego quidem ea tibi non in Spiritu superbæ, & contumaciæ, sed in Spiritu contritionis, & humilitatis. Video enim quod hæc apud te sit vera adoratio, qua tu verè placaris, quæ non sunt ad vanam ostentationem, et ad pō-

pam mundi, sed quæ per pænitiã intrinsecam, salutem acquirunt extrinsecam. Non igitur despicias, neq; contemnes sacrificium meum, quemadmodum despexisti sacrificiũ Chaim, sed acceptabis quemadmodum acceptasti holocaustum Abel, & sacrificiũ Melchisedech, alter enim in sanguinibus obtulit holocaustum, aliq; vero in corde contrito, & spiritu humili, spreuisti itaq; sacrificiũ Chaim, quod in sanguinibus oblatum erat, & acceptasti holocaustum Abel, quod in Spiritu, et Veritate oblatum fuit, nam tanto tibi est acceptius sacrificium Spiritus, quàm sacrificiũ carnis, quanto nobilior est Spiritus quàm caro, anima quàm corpus, Vita quàm Mors, gratia quàm peccatũ, Dominus quàm seruus, tu Deus, quàm ego homo, ne igit; rogo, despicias sacrificium quod tibi offero mentis quidem, & Spiritus, ne despicias, qui propterea oblaturus es filium pro me in Ara Crucis sacrificium laudis tuæ, Gloriæ tuæ, Charitatis tuæ.

Benigne fac Domine in bona uoluntate tua Syon
ut ædificentur muri Hierusalem.

VBi Domine oblaturus es filium tuum in sacrificium propitiabile, nisi in Syon & si

igitur in Syon, a Syon ergo salus nostra, si a
Syon salus nostra, benigne igitur fac Domi-
ne ipsi Syon, sis benignus ipsi Syon quæ spe-
culatrix est animarum nostrarum, nam nisi sis
benignus, & propitius speculatoribus tuis,
non ædificabuntur muri Hierusalem Hieru-
salem est visio pacis, speculatores tui, ædifi-
cāt tibi Hierusalem in visione pacis, in uisio-
ne tua, tu enim pax es, qui pacem tuam das
diligentibus te, non inquam eam pacem quā
mundus dat, quæ est insidiosa, & vana, sed eā
pacem quam tu potes dare solus, quæ certa
est, & in charitate tua ædificata, nam si recte
omnia consideremus, nunquā hodie pax tua
inuenietur, si homines interrogemus an pa-
cem intra se habeant audiemus habere intra
se legem carnis repugnātem legi spiritus eo-
rum, si Naturæ cætera animalia consulemus
nihil tutum esse ab alio dicent, nam in se ipsa
naturali quadam inimicitia inferuntur, quin-
immo in regione ipsa aeris quæ vt vacua es-
se videtur omnibus corporibus, ita etiam ua-
cuam dixerimus omnibus perturbationibus
terrenis, Tamen videmus Ventos inter se
violenter conflare at si alius repetere veli-
mus, quā nusquam ubi tu in medio nō sis, in-
ueniat pax tua, quid enim in terris, & caducis
inmoramur? Angelus tuus lucis cum esset in

regno tuo, in pace tua excellentis auctorita-
 tis, non ne tentauit ponere sedem suam ad
 Aquilonem, & esse similis tibi? Inde bellum
 inter Angelos tuos exortum est, Ab Aquilo-
 ne igitur, ab Aquilone patefactum est omne
 malum, o impium, & execrabilem Aquilo-
 nem, qui hanc Syon ciuitatem scilicet pacis,
 ciuitatē exterminij facturum es, q̄ muros fun-
 dados in Fide, munitos in Spe, custoditos in
 Charitate immani destrues impietate, o ter-
 rorificam furiam quæ nobis hanc peperit ca-
 lamitatem, o immanissimam pestem, quæ no-
 bis contagijs suis vniuersum orbem conta-
 minauit, Quod nisi pax tua quæ vera est
 pax affulserit nobis, actum erit, & funditus
 actum erit de hac tua Syon, Tu ergo, qui pax
 es, sis benignus speculatoribus pacis tuæ, sis
 dico benignus in bona voluntate tua, in filio
 tuo, qui est volūtas tua bona, quia omne bo-
 nū à te est, igitur sis benignus ipsi Syon, quæ
 est specula luminis tui, Nam non aliter ædifi-
 cabuntur muri Hierusalem, quos Cocus Na-
 buchdonosor euertit, quos gula, & corporeæ
 voluptates diruunt, Muros itaq; quos ca-
 ro destruit, Spiritus ædificet, Muri dico Hie-
 rusalem tuæ pacis, qui solus es pax homini-
 bus bonæ volūtaris, ergo tu, qui es bona vo-
 luntas, & es pax hominibus amantibus bo-

nā volūtatem sis benignus hac tua bona vo-
luntate sanctis tuis speculatoribus Syon, qui
non discedunt a' Syon a' speculatione, a' con-
templatione, ab ædificatione Ecclesiæ tuæ, sis
beneuolus, sis benignus, non ut Syon germi-
net Cedris, & luxuriet hortorum amænitati-
bus, sed ut ædificentur muri Hyerusalē, Ecce
Domine Spiritus factus sum, & ad spiritum
loquor, Ecce muri Hierusalem iam sunt ædi-
ficati, & nō est opus eis ædificatione, sed trā-
sferetur hæc Hierusalem, quia non est ciuitas
pacis, & alio reædificabitur in benignitate, &
bona voluntate tua, quæ erit alumna pacis
Ecclesiæ tua ex lapidibus reprobatis, ex gen-
tibus, & non ex Sinagoga, erecta, & ædifica-
ta, & hī lapides licet a' Sinagoga essent re-
probatī, tantum in benignitate, & bona vo-
luntate tua coheserunt qui sunt congregatio
fidelium in te sperantium, n̄ profecto sunt ci-
uitas tua, quia pax tuā, muri tui, quia in bona
voluntate tua, qui ædificabuntur non in ce-
mēto materiæ, sed in sanguine Martyrī in lac-
chrymis pænitentē corporeæ, & in vocibus
cōfessionis uocalis, Hi sunt muri triplici am-
bitu circumdati, Fide scilicet. Spe, & Charita-
te, Hæc est ciuitas, quæ a' te custoditur, præter
quem frustra vigilat qui custodit eam, hæc
est sponsa tua Ecclesiæ tua, nigra in persecu-

tionibus tyrannorum, & formosa in Veritate tua, Nigra in martyrio sanctorum, & formosa in retributione gratiarum, nigra in dolore passionis, & formosa in gaudio resurrectionis Filij tui, Ecquis obsecro poterit edificare muros tãtæ Hierusalem? quæ nō est terrena, non ex lapidibus constructa, sed descēdens de cælo in Spiritu, spiritali est conflata cemēto, Nemo poterit ædificare hos muros, quos Adam peccati malleis evertit, nisi tuus novus Adam gratiæ indulgētia ædificet, Primus enim Adam peccato suo posuit similitudines, accendit bellum inter humanam, & diuinam Naturam, Natura diuina vicit humanā, expugnauit suam ciuitatem, suam Hierusalem, quæ erat ciuitas pacis, expugnauit eam ciuitatem, quæ est in corpore humano spiritalē animam, interfecit Adam opus diuinum, evertit muros eius, qua propter ut muri, & ciuitas reædificētur opus erit ut mittatur nouus Adā, nouus sequester pacis, qui sapiat vtrāq; naturam, ecquis erit hic nouus Adam, nisi tuus filius? Nimirum tu Domine hoc modo solus poteris ædificare, et firmare hanc ciuitatē humanam hos muros, Humane Hierusalem, tu inquam qui solus edificas, & nemo destruit, solus destruis, & nemo edificat, nēpe edificas in benignitate, & bona vo-

luntate tua, destruis in afflictione, et flagellis,
Hinc gaudiū, & letitia, illinc fletus, & stridor
dentium, conserua itaq; benigne. Domine in
bona voluntate tua sponsam sanctam Syon
tuam, speculatores Nuntios tuos, & sanctos
tuos, qui speculationibus assiduis edificant
eam, & hoc vt edificentur muri Hierusalem,
vt ex Synagoga superstitionis fiat Ecclesia
orationis, ex congregatione offensionis, fiat
Ecclesia Veritatis, ex coadunatione repro-
borum fiat Ecclesia electorum.

- » Tunc acceptabis sacrificiū iustitiæ, oblationes, &
» holocausta, tunc imponet super altare tuū vitulos.

Tunc ergo quando muri Hierusalem triplici
ambitu edificati erunt, vt non amplius cor-
ruant, scilicet qui a te edificabuntur? nam nisi
tu ædificaueris, frustra laborauerint, qui cona-
buntur ædificare eos, Tunc itaq; ædificatis
muris habitaculi tui, ecclesiæ tuæ, acceptabis
sacrificium iustitiæ, sacrificium fidei, & ope-
rum eius, in quibus omnes iustificamur, nam
nunc offerimus tibi sacrificium vt pro pecca-
tis nostris placemus te, & ideo ppitiatorium
est, quia non est in Hierusalem, quia nō offer-
tur in domo tua, in Ecclesia tua, post autē edi-
ficatos muros Hierusalem in qua oportet lau-
dare

dare te in secula seculorum, Tunc acceptabis sacrificium iustitiæ, laudis non oblatae ad expiationem peccatorum, sed ut in eis laudetur nomen tuum, potentia tua, opera tua, est enim sacrificium iustitiæ iustas tibi laudes, non sanguinem Hircorum, aut Taurorum offerre, quæ enim iustitia est, tibi viuenti mortuos sacrificare? Iustitia tua nunquam moritur, nunquam mutatur, nunquam vanescit, sanguis corrumpitur, caro putrescit, anima Hircorum, & Taurorum vanescit, sacrificium igitur quod tu acceptabis erit sacrificium Iustitiæ interioris, et exterioris, quæ ab intrinseco homine extenditur in extrinsecas tui laudes, & proximi curationem, oblationes extrinsecas bonorum exemplorum, consuetudinis probatae, bonæ mentis, recte conscientiae, & spiritus integri fructus, Nec tantum acceptabis sacrificium iustitiæ, & oblationes, verum etiam, & holocausta intrinsece charitatis, faces, & flammæ totum hominem in te absumentes, absumentes dico carnem, & pascentes, innouantesque spiritum, nec tantum pascentes, & innouantes, verum etiam gloriosum reddentes, Acceptatis itaque abs te sacrificio iustitiæ, oblationibus, & holocaustis, imponentur super altare tuum vituli. Altare tuum Domine fides est, iustus ex fide vivit, quia in fide fundatus

E


est, iustitia igitur tua est altare tuum, in qua
ædificant, qui in te credunt. Qui igitur credunt
in te iustificati in iustitia tua, imponent super
altare tuum vitulos, non vitulos eos, quos
Hoseæ. Gula absumit, sed vitulos labiorum preces,
xliij. A. & oblationes in spiritu humilitatis tibi obla-
tas, Nam veluti vitulus in deserto causa fuit
ut Israel lapsus fuerit, ita vituli hi causa erunt
ut anima que in peccatis mortua erat, in mi-
sericordia tua renascatur, Hoc itaque erit verè
sacrificium iustitiæ in quo mortui reuiuiscunt
non in quo viui inmortuuntur. Da igitur be-
nignissime Deus ut hæc lachrymæ quas co-
ram Maiestate tua in spiritu humilitatis effu-
di sint mihi sacrificium ad iustitiam, & hoc
non quia lachrymæ meæ valeant iustificare
me in conspectu tuo, quia ego seruus inutilis
sum, sed propter magnā misericordiam tuā,
laua obsecro te, & exerge his meis lachry-
mis iniquitatē meam, ita ut a meorum pecca-
torum sordibus munder, propterea enim co-
ram te stratus humi iaceo, quoniam quātum
deliquerim uideo, & cognosco quod ideo pecca-
tum meum torquet me, quoniam peccaui in
te, coram te, iustifica obsecro, me, tua magna
misericordia, & non animaduertas delictorū
meorum deformitatem, uerum enim uero
ostende quod in iniquitatibus, & in seminario

peccatorū satus sum, conceptus sum, si ergo
 aspicias me oculis misericordiæ tuæ munda-
 bor profecto', & non solum mundabor ab
 iniquitatibus, & sordibus meis, uerumetiam
 fiam multo purior, & candidior, quā sit nix,
 auerte tantum faciem tuam a meis iniquita-
 tibus, & fiet ut misericordia tua deleantur
 omnia flagitia mea, Quod si proiceres me
 abste, & ab oculis tuis, Spiritus sanctus tuus
 qui in charitate habitabat ī me, relinquet me
 contaminatum, ac per hoc reum Gehennæ
 in flagitijs meis, sed quam uereor, ne hæc la-
 chrymæ, hæc preces; & obsecrationes meæ
 sint tibi acceptæ, Aperi igitur tu os meum, la-
 bia mea, cor meum, ut sciam quod audis an-
 nunciantem laudem tuam, tunc lachrymæ
 meæ erunt mihi sacrificium Spiritus affli-
 cti, in pænitentia, & tristis in humilitate
 te. Tunc labia mea sacrificabūt tibi
 uirulos, fundent tibi preces,
 nam aperies ea tu, ut de te
 loquantur, & laudent
 nomen tuum qui
 uiuis, & regnas
 sine fine.

E 2

IANI VITALIS PANORMI-
TANI EPITHALAMIVM IESV

Christi, & Ecclesiæ, ex Psalmo Eructa
uit Cor meum Verbum bonum.



Corde prodiit mihi
Ecce optimum præsagium,
Regi fatebor seculi
Occulta quæq; pectoris,
Non assequentur dexteræ
Velociter scribentium

Linguae uolantis impetum,

Io io Hierusalem.

En sponsus admirabilis

Super Syonis filios

Iuuenculus pulcherrimus,

Ab ore cuius gratia

Diffunditur dulcissima,

Rex unde regum maximus

Afflauit illi gloriam

Aeternitatis hospitam,

Io io Hierusalem

Accingere ò potentior

Femur machera regium,

In quo renidet gloria,

Et splendor ornatisimus,

Formosus unde diceris

Regnator orbis progredi,

Io io Hierusalem.

Tu Veritatem porrigis

Nobisq; pacatissimus

Aequum ministras, mitigans

Nostros feroces spiritus,

Io io Hierusalem.

Eia potenti dextera

Mirabilis superbiam

Contunde crudelissimi

Hostis, sagittæ, maximi

Victoris omnis prælij

Figant acutæ pectora

Rebellium ferocia,

Io io Hierusalem.

Sedes tua, omni tempore,

Sceptrumq; uerè regium,

Quo diriguntur sidera,

Stabit uigens æternius,

Io io Hierusalem.

Quòd æquitatem amaueris,

Et oderis malitiam,

Oliuo es unctus gaudij.

Præ regibus consortibus,

Io io Hierusalem.

Quæ Myrrha, myrrhæ & lachrymæ,

Qui flos recentis Casiæ,

Odore fragrantissimo,

Fortis Rex tuus

*Spirat tuis ē uestibus?
Quæ te domus eburnea,
Inter pudicas uirgines
Honore summo, detinent
Marite: dum uirguncula
Aduentat uxor, blandulis
Spirans ocellis gratiam,
Io io Hierusalem.*

*Regina sponsa regias
Incedit ante Virgines,
Mater futura gentium,
Cui palla lacte purior
Ambitur auri bracteis,
Et plurimis coloribus
Illusa uernat, illa se
Ad dexteram uiri locat,
Io io Hierusalem.*

*Audi uenusta filia
Præcepta sponsi suauiæ,
Quid ille post hæc fecerit
Tibi, libenter aspice,
Et rusticam superbiam
Omitte pacatissima,
Sis immemor tot Urbium,
Et Gentium, quas liqueris,
Domusq; patris nobilis,
Io io Hierusalem.*

Formam cupiuit Rex tuam,

Rex ille Regum maximus,
 Deusq; princeps cælitum,
 Cui seruit orbis machina,
 Pulchræ Tyri cui filia
 Ferent decora munera,
 Miratæ opes, quas intus, &
 Extrâ beata possides
 Sponsi, patrisq; filia,
 Et Vxor ornatisima,
 Aeternitatis arbitri,
 Io io Hierusalem.

Nec te colit plebecula
 Tantum, sed orbis nobiles,
 Mens est quibus sublimior,
 Quam sint superna sidera.
 Io io Hierusalem,

Si forte quæris gloriam
 O Virgo formosissima,
 Regis subibunt filia,
 Et Virgines lectissima,
 Omnes pudici spiritus,
 Intraq; & extrâ candidæ,
 Aureisq; comptæ fimbrijs,
 Quas ambiunt Thopati,
 Quas uniones Indici,
 Opesq; rubri littoris,
 Ducentur illæ nobiles
 Post te, canentes molliter,

Io io Hierusalem.
Hinc tu propinquis feminis
Stipata, templum principis
Intrabis omni gaudio,
Datura dotes singulis,
Et gratiarum munera.

Io io Hierusalem.
Nascentur inde nobiles
Viro, tibiq; filij,
Terræ futuri principes,
Beatiores omnibus,

Io io Hierusalem.
Illi subinde nominis
Tollent ad astra uim tui,
Per se, suosq; filios,
Et per nepotum posteros,
Io io Hierusalem.

Qua propter omnes urbium
Ciues, & orbis incolæ
Quicunq; uiuent undiq;
Dicent Deorum principem,
Aeterna, te per sæcula,
Vale Vale Hierusalem.

IN PSALMVM DE PROFVNDIS

clamaui ad te Domine Paraphrasis.

IMO conditus in specu
 Horrentis Barathri. clamo perennibus
 Ad te uocibus o Deus,
 Aures tu precibus flecte precor meis,
 Et longis querimonijs,
 Nam si respicias quam miserabili
 Mergar gurgite sordium,
 Iracunda tuæ uerbera dexteræ
 Ecquis sustineat satis?
 Nam cum tu medicas admoueas manus
 Nostris præsidium malis
 Auctorem te hominum noscimus, & Deum
 Mitem, præcipuum, bonum,
 Hinc hinc sustineo quicquid id est, libens
 A te quod uenit asperum,
 Hinc spem concipio cordis in intimis
 Ingentem penetralibus
 Quare o uos homines rebus in omnibus
 Sperate in dominum omnium,
 Noctes, atq; dies, ille etenim dabit
 Quod speratis amabilis,
 Solus nanq; pius, solus & est bonus,
 Qui nos a scelere abluit,
 Ille ergo egregius nos medicus suo
 Sanabit medicamine,
 Mundabitq; animas sordibus illitas.

IN PSALMVM DEVS MISEREA-
tur nobis. Peraphrasis.

O Vtinam nobis rector terræq; poliq;
Mitescat, ponatq; feroces
In nos ille animos, uultumq; oculosq; benignos
Vertat in auxilium miserorum,
Agnoscamus ut inde uiam, ueramq; salutem
In terra quæramus, egentes,
Vnde omnes populi fateantur, numine cuncta
Esse creata Dei omnipotentis,
O quam lætitiā accipiet, quæ gaudia mente
Concipiet sibi quisq;, fruendo,
Quando hic purpureos submittit sedula flores
Natura, & fructus uberis agri,
Aspiciat Deus hanc mentem, foueatq; popelli
Ipse sui, ut pater optimus, atq;
Illum omnes terræ, & gentes uenerentur, adorent
Et laudent patremq;, Deumq; .

INCESSANTES DEVM CONVI-
cijs esse deteriores omnibus bestiis.

S Aluete Veris Nuntiae
 Aues canentes molliter
 Per arborum cacumina,
 Pulchris amictæ floribus,
 Et frondibus uirentibus,
 Dum uos querelas funditis,
 Lætas querelas suauiter,
 Siluæ resultant sibilis,
 Et mollibus concentibus,
 Aureq; fecundissimæ
 Afflant tenella gramina,
 Amoris almo spiritu,
 Quo facta terra pullulat
 Ab intimis præcordijs,
 Opes ferens ditissimas
 Aprici in oras luminis,
 Dum uos canoro gutture
 Deducitis dulcissimos
 Modos, & amnes murmurant
 Altis cadentes montibus,
 Aurora formosissima
 Pectens capillos aureos
 Apparet alto ex æthere,
 Solisq; dotes explicat,
 Pulsis tenebris, uiuidas,

Vos estis optatissima
Amenitatis Nuntia
Testesq; fecundissima
Coelestium concentuum
Terræ colonis, optima
Superna metientibus
Plerunq; per quæ uiderint,
At uos supernum agnoscitis
Numen, quod implet omnia,
Eiusq; laudes uocibus
Dulcissimis componitis
Nam Sol prius non occidit,
Et mane nullo nascitur
Quin laudibus dignissimis
Plaudatis illi sedulae,
Vos hem genus, quod lumine
Nostri caretis spiritus,
Totaq; abitis mortuae
Obliuionis in chaos,
Quandoq; tandem agnoscitis
Deum, deorum Principem,
Et debitis honoribus
Certatis illum prosequi.
Barriq; formidabiles
Proceritate corporum
Indis in altis montibus,
Et in remotis saltibus
Atlantis enormissimi

Solem salutant nutibus,
 Lunamq; mane, ac uespere
 Et saltitant, & barriunt,
 Et ambiunt proboscide,
 Humiq; proni decidunt
 Honoris ergo supplices,
 Est & Hyæna in Africæ
 Horrenda siluis bellua
 Instar leonis pectore
 Tenus, iubis longissimis,
 Mox & papillas Virginis,
 Et os habet pulcherrimum,
 Ceu sponsa compta purpura,
 Et indicis monilibus,
 Illa nihil crudelius
 Natura, & appetentius
 Nostri, creauit, sanguinis,
 Noctis tamen silentio,
 Oblita cedum, & innocens,
 Et facta iam tractabilis,
 Lunæ nitenti concinit
 Afris preces sermonibus,
 Quid dixero de Viperis?
 Quid de feris inmanibus,
 Quas terra iniqua sustinet?
 Nulla est Dei potentiam
 Quæ ex instituto non amet
 Vt, & colat sanctissimam,

At nos propago cælitum,
Exulta sacris legibus
Stirps regia, & cælestium
Felicitatum particeps,
Diuina proles spiritu
Aeternitatis maximæ
Herede constans, omnibus
Viuentibus felicior,
Nos inquam inanis postmodum,
Et imminentis uictima
Lethi, nihil cognoscimus
Nostrum supremum principem,
Omnis datorem gratiæ,
Quinimmo, sæcla ò funditus
Ingrata, linguæ fulmine
Vos lancinatis impij
Vestrum patrem conuicijs,
O uulgus ignauissimum,
Cum sic parentem uellicas
Crudelibus conuicijs,
Nihil uereris inferos,
Non flumina flammantia,
Non sulphur ardentissimum?
Non credis ergo Titios?
Prometheosq; & Tantalos?
Non excubantes Vultures?
Rotas echydnas, dipsadas?
Non quicquid est miserrimum?

Tandem ò genus lectissimum,
 Diuinæ opus clementiæ,
 Vestras opes agnoscite,
 Ad uos redite deuij,
 Placate patrem supplices,
 Mauultis esse filij
 Iræ, an beatæ Gratiæ?
 Hæc uos beabit, altera
 Merget Barathri putidis
 In fontibus perenniter,
 Et sempiternis ignibus.

Ego Frater Reginaldus Nerlius Mantuanus
 Inquisitor Bononiensis, omnia quæcunq;
 suprascripta sunt, & Proto, & Laudo.

Impressum Bononiæ apud Anselmum
 Giaccarellum, Idibus Septemb.
 M. D. LIII

